

আলো ও ছায়া

কামিনী রায়

৩হেমচন্দ্র বন্দ্যোপাধ্যায় কৃত ভূমিকা সহিত

চতুর্থ সংস্করণ

কলিকাতা

১৩১১

কলিকাতা

১০নং কর্ণওয়ালিস্ ষ্ট্রীট, চেম্বার প্রেসে শ্রীতুলসীচরণ দাস দ্বারা মুদ্রিত,

এতং কবিপ্রণীত

আলো ও ছায়া

(কাপড়) ... ১০

(নরকো) ... ২০

নির্মাল্য

(কাপড়) ... ৭

(নরকো) ... ১৭

পৌরাণিকী

(কাপড়) ... ৭

(নরকো) ... ১৭

ভূমিকা

এই কবিতাগুলি আমাদের বড়ই স্নন্দর লাগিয়াছে; স্থানে স্থানে এমন মধুর ও গভীরভাবে পরিপূর্ণ যে পড়িতে পড়িতে হৃদয় মুগ্ধ হইয়া যায়। কলতঃ বাঙ্গালা ভাষায় এরূপ কবিতা আমি অল্প পাঠ করিয়াছি।

কবিতাগুলি আজকালের 'ছাঁচে' ঢালা। যাহারা এ ছাঁচের পক্ষপাতী নহেন তাঁহাদের নিকট এ পুস্তক কতদূর প্রতিষ্ঠা লাভ করিবে তাহা বলিতে পারি না; তবে এই পর্য্যন্ত বলিতে পারি যে নিরপেক্ষ হইয়া পাঠ করিলে তাঁহারাও লেখকের অসাধারণ প্রতিভা ও প্রকৃত কবিত্বশক্তি উপলব্ধি করিতে পারিবেন। আমার দৃঢ় বিশ্বাস এই যে সহৃদয় ব্যক্তি মাত্রেই এ পুস্তকের অধিকাংশ স্থলে মুগ্ধ না হইয়া থাকিতে পারিবেন না। বস্তুতঃ কবিতা গুলির ভাবের গভীরতা, ভাষার সরলতা, কচির নিশ্চলতা, এবং সর্বত্র হৃদয়গ্রাহিতা গুণে আমি নিরতিশয় মোহিত হইয়াছি। পড়িতে পড়িতে গ্রন্থকারকে মনে মনে কতই সাধুবাদ প্রদান করিয়াছি। আর, বলিতেইবা কি স্থলবিশেষে হিংসারও উদ্রেক হইয়াছে!

আমার প্রশংসাবাদ অত্যাক্তি হইল কি না, সহৃদয় পাঠক পাঠিকাগণ পুস্তকখানি একবার পাঠ করিলেই বুঝিতে পারিবেন। আমি কায়মনোবাক্যে আশীর্বাদ করি যে, এই নবীন 'কবি' দীর্ঘজীবী হইয়া বঙ্গসাহিত্যসমাজের মুখোচ্ছল করুন।

একদিন আমি কবির মাইকেলের প্রশংসা করিয়া অনেকের
নিকট নিন্দাভাগী হইয়াছিলাম ; এ স্থলেও যদি আবার তাহাই
ঘটে, তবে সে সকল নিন্দাবাদেও আমার কিছুমাত্র কষ্ট বোধ
হইবে না। তৎকালে মাইকেলের পুস্তক পাঠে আমার মনে
যে আনন্দ ও সুখের উদ্ভেক হইয়াছিল আমি কেবল তাহাই
প্রকাশ করিয়াছিলাম, এক্ষণেও তাহাই করিতেছি ; সমা-
লোচকের 'সিংহাসন' গ্রহণ করি নাই।

খিদিরপুর,
ইং ১৩ই সেপ্টেম্বর ১৮৮৯।

শ্রীহেমচন্দ্র বন্দ্যোপাধ্যায়

সূচীপত্র

বিষয়				পৃষ্ঠা
আলো ও ছায়া	১-১২৬
অঁধারে	১
আলোকে	২
জিজ্ঞাসা	৪
হুঃখপথে	৪
সুখ	৫
নিয়তি	১১
দিন চলে যায়	১২
বর্ষ সঙ্গীত	১৩
অন্ন অশ্রু আয়	১৭
থাম্ অশ্রু থাম্	১৮
কোথায় ?	২০
লক্ষ্য তারা	২১
নির্বাণ	২২
জাগরণ	২৪
নিয়তি আমার	২৫
নূতন আকাঙ্ক্ষা	২৬
আশা পথে	২৭
নীরবে	২৮

যৌবন তপস্যা	৩০
আশার স্বপন	৩২
মা আমার *	৩৪
রমণীর স্বর	৩৫
পাছে লোক কিছু বলে	৩৯
কামনা	৪০
দূর হ'তে	৪১
পাথের	৪২
পরিচিত †	৪৩
স্বপ্নের স্বপন	৪৫
সহচর	৪৬
পঞ্চক	৪৮
প্রণয়ে ব্যথা	৫৩
ছাড়াছাড়ি	৫৫
বিদায়ে	৫৭
নিরাশ	৫৭
মুগ্ধ প্রণয়	৫৯
সঞ্জীবনী মালা	৬১
বৈশম্পায়ন	৬৩
পাঙ্কজ	৬৪
চন্দ্রাপীড়ের জাগরণ	৬৯
ভালবাসার ইতিহাস	৭২

চাহিবে না কিরে ?	৭৪
ডেকে আন	৭৫
আহা থাক	৭৬
মায়ের আহ্বান	৭৭
নীরব মাধুরী	৭৯
ঋদেব ভোগ্য	৮১
অনাহুত	৮৩
চিম্বর প্রতি	৮৫
নববর্ষে কোন বালিকার প্রতি	৮৬
বালিকা ও তারা	৮৭
চাহি না	৯১
এতটুকু	৯৩
স্বথের সন্ধান	৯৫
অস্তশয্যা	৯৬
বিধবার কাহিনী	৯৮
আমন্ত্রিত	১০২
সে কি ?	১০৫
কৃষ্ণকুমারীর পরিণয়	১০৭
বেশী কিছু নয়	১০৯

মহাশেতা ১২৭-১৪৪

পুণ্ডরীক ১৪৫-১৭৪

2003/10/21

আলো ও ছায়া।

আধারে।

আঁধারের কীটগু আমরা,
হৃদও আঁধারে করি খেলা,
অন্ধকারে ভেঙ্গে যায় হাট,
জীবন ও মরণের মেলা।

কোথা হ'তে আসে, কোথা যায়,
ভাবিয়া না কেহ কিছু পায়,
অজ্ঞানেতে জনম মরণ,
বিস্ময়েতে জীবন কাটায়।

নিবিড় বিপিনে হেথা হোথা
দেখা যায় আলোকের রেখা,
কে জানে সে কোথা হ'তে আসে ?
কারণের কে পেয়েছে দেখা ?

বিশ্বয়ে ঘুরিতে হবে যদি,
 এ জীবন যতক্ষণ আছে
 এস সাথে, ঘুরি এই দিকে,
 আলোকের রেখাটির কাছে ।

কিরণের রেখাটি ধরিয়
 উর্ধ্বে যদি হই অগ্রসর,—
 না হই, কিই বা ক্ষতি তাহে ?
 মরিব এ জ্যোতির ভিতর ।

অন্ধকার কাননের মাঝে
 যতটুকু আলো দেখা যায়,
 এস সাথে, লভি সেই টুকু,
 এস, খেলা খেলিব হেথায়

আলোকে ।

আমরাতে আলোকের শিশু ।
 আলোকেতে কি অনন্ত মেলা !
 আলোকেতে স্বপ্ন জাগরণ,
 জীবন ও মরণের খেলা ।

জীবনের অসংখ্য প্রদীপ

এক মহা-চন্দ্রাতপতলে,•

এক মহা-দিবাকরকরে,

ধারে ধীরে অতি ধীরে জলে ।

অনন্ত এ আলোকের মাঝে

আপনারে হারাইয়া যাই,

হুঃসহ এ জ্যোতির মাঝার

অন্ধবৎ ঘুরিয়া বেড়াই ।

আমরা যে আলোকের শিশু,

আলো দেখি ভয় কেন পাই ?

এস, চেয়ে দেখি দশ দিক্,

হেথা কারও ভয় কিছু নাই ।

অসীম এ আলোক-সাগরে

ক্ষুদ্র দীপ নিবে' যদি যায়,

নিবুক না, কে বলিতে পারে

জলিবে না সে যে পুনরায় ?

জিজ্ঞাসা ।

পুষ্পবিরচিত পথে ভ্রমিছু, কোথায় সুখ ?

সেবিছু বিশ্রাম সুখা, তবু ঘোচেনা অসুখ ।

কল্পনা মলয়াচলে, প্রমোদ নিকুঞ্জতলে

কেন ঘুম ভেঙ্গে গেল, চমকি উঠিঃ বৃক ?

“জীবন কিসের তরে ?” কেঁদে জিজ্ঞাসিছে প্রাণ.

নীরব কল্পনা আজি, করে না উত্তর দান ।

চুম্বিয়া সহস্র ফুল বহে বায়ু, অলিকূল

ঝাঁকে ঝাঁকে গুঞ্জরিছে, নদী গাহে মৃদু গান ।

আবার ঘুমাব বলে' মুদিলাম আঁখিদ্বয়,

আসিলনা সুপ্তি মম, চিত্ত যে তরঙ্গময় :

। যত চাহি ভুলিবারে জীবন কিসের তরে

নারিছু ভুলিতে কথা, ফিরে' ফিরে' মনে হয় ।

দুঃখ পথে ।

সারাদিন পথে পথে, ধূলায় রবির তাপে,

ভ্রমিয়াছি কোলাহল মাঝে,

যন জনতার মাঝে ছাড়িয়া দিছিছু হিয়া

নিজপুরে ফিরেছে সে মাঝে ।

একলাটি বসে' বসে' আপনার পানে' চাহি,
মনেরে ডাকিয়া কথা কই,
নিভৃত হৃদয় কক্ষে ধীরে ধীরে অবতরি
নিরখি অবাক্ হয়ে রই ।

এই আমি—এই আমি ?—

হায় ! হায় ! এই আমি ?—

আপনারে নারি চিনিবারে,

মলিন মুমূর্ষু প্রাণ লুটাইছে, সিক্ত হয়ে
আপনারি শোনিতের ধারে !

রবিতাপে, ধূলিমাঝে, জনতার কোলাহলে
প্রবেশিয়ে এই সুখ পাই,
কোথায় যাইব হায় ? কোন পথ সেই পথ
কঙ্কর, কণ্টক যেথা নাই ?

সুখ ।

১ গিয়াছে ভাঙ্গিয়া সাধের বীণাটি,
ছিঁড়িয়া গিয়াছে মধুর তার,
গিয়াছে শুকায়ে-সরস মুকুল ;
সকলি গিয়াছে—কি আছে আর ?

// নিবিল অকালে আশার প্রদীপ,
 ভেঙ্গে চূরে গেল বাসনা যত,
 ছুটিল অকালে সুখের স্বপন,
 জীবন মরণ একই মত !

জীবন মরণ একই মতন,
 ধরি এ জীবন কিসের তরে ?
 ভগন হৃদয়ে ভগন পরাণ
 কতকাল আর রাখিব ধরে' ?

// বুঝিতাম যদি কেমন সংসার,
 জানিতাম যদি জীবন জালা,
 সাধের বীণাটি লয়ে থাকিতাম
 সংসার আছ্বানে হইয়ে কালা ।

সাধের বীণাটি করিয়া দোসর
 যাইতাম চলি বিজন বনে,
 নীরব নিস্তরু কানন হৃদয়ে
 থাকিতাম পড়ি আপন মনে ।

আপনার মনে থাকিতাম পড়ে',
 কল্পনা আরামে ঢালিয়া প্রাণ,

কে ধারিত পাপ সংসারের ধার ?
সংসারের ডাকে কে দিওঁ কাণ ?

না বুঝিয়া হায় পশিছু সংসারে,
ভীষণদর্শন হেরিছু সব,
কল্পনার মম সৌন্দর্য্য, সঙ্গীত
হইল শ্মশান, পিশাচ রব ।

‘হেরিছু সংসার মরীচিকাময়ী
মক্‌ভূমি মত রয়েছে পড়ে’,
বাসনা পিয়াসে উন্মত্ত মানব
আশার ছলনে মরিছে পুড়ে’ ।

লক্ষ্যতারা ভূমে খসিয়া পড়িল,
আঁধারে আলোক ডুবিয়া গেল,
তামস হেরিতে ফুটিল নয়ন,
ভাঙ্গিয়ে হৃদয় শতধা হ’ল ।

সেই হৃদয়ের এই পরিণাম,
সে আশার ফল ফলিল এই !
সেই জীবনের—কি কাজ জীবনে ?—
তিল মাত্র সুখ জীবনে নেই ।

আলো ও ছায়া ।

যাক্ যাক্ প্রাণ, নিবুক এ জানা,
আয় ভাঙ্গা বীণে আবার গাই-
যাতনা—যাতনা—যাতনাই মার,
নরভাগো সুখ কখনো নাই ।

বিষাদ, বিষাদ, সর্বত্র বিষাদ,
নরভাগো সুখ লিখিত নাই,
কাঁদিবার তরে মানব জীবন,
যতদিন বাঁচি কাঁদিয়া যাই ।

নাই কিরে সুখ ? নাই কিরে সুখ ?—

এ ধরা কি শুধু বিষাদময় ?
যাতনে জলিয়া, কাঁদিয়া মরিতে
কেবলি কি নর জনম লয় ?—

কাঁদা তেই শুধু বিশ্বরচয়িতা
সৃজন কি নরে এমন করে ?

মাঝার ছলনে উঠিতে পড়িতে
মানব জীবন অবনী' পরে ?

বল্ ছিন্ন বীণে, বল্ উচ্চৈঃস্বরে,—
না,—না,—না, মানবের তরে

সুখ ।

আছে উচ্চ লক্ষ্য, সুখ উচ্চতর,
না সৃষ্টিলা বিধি কাঁদতে নরে ।

কার্যক্ষেত্র ওই প্রশস্ত পড়িয়া,
সমর অঙ্গণ সংসার এই,
যাও বীরবেশে কর গিয়ে রণ ;
যে জিনিবে সুখ লভিবে সেই ।

পরের কারণে স্বার্থে দিয়া বলি
এ জীবন মন সকলি দাও,
তার মত সুখ কোথাও কি আছে ?
আপনার কথা ভুলিয়া যাও ।

পরের কারণে মরণেও সুখ ;
'সুখ' 'সুখ' করি কেঁদনা আর,
যতই কাঁদিবে, যতই ভাবিবে,
ততই বাড়িবে হৃদয়-ভার ।

গেছে যাক্ ভেঙ্গে সুখের স্বপন,
স্বপন অমন ভেঙ্গেই থাকে,
গেছে যাক্ নিবে আলেয়ার আলো,
গৃহে এস, আর ঘুর'না পাঁকে ।

যাতনা যাতনা কিসের যাতনা ?
 বিষাদ এতই কিসেরি তরে ?
 যদিই বা থাকে, যখন তখন
 কি কাজ জানায় জগৎ ভরে' ?

লুকান বিষাদ অঁধার অমায়
 মৃৎভাতি নিক্ত তারার মত,
 সারাটি রজনী নীরবে নীরবে
 ঢালে সুমধুর আলোক কত ।

লুকান বিষাদ মানব হৃদয়ে
 গম্ভীর নৈশীথ শান্তির প্রায়,
 ছরাশার ভেরী, নৈরাশ চীৎকার,
 আকাজ্জক রব ভাঙ্গে না তার ।

বিষাদ—বিষাদ—বিষাদ বলিয়ে
 কেনই কাঁদবে জীবন ভরে' ?
 মানের মন এত কি অসার ?
 এতই সহজে মুইয়া পড়ে ?

সকলের মুখ হাসিভরা দেখে
 পার না মুছিতে নয়ন ধার ?

পরহিতব্রতে পার না রাখিতে
চাপিয়া আগন বিবাদ ভার ?

আপনারে লয়ে বিব্রত রহিতে
আসে নাই কেহ অবনী' পরে,
সকলের তরে সকলে আমরা,
প্রত্যেকে আমরা পরের তরে ॥

জুন, ১৮৮০ ।

নিয়তি ।

নিয়তির অঞ্চল বাতাসে
শেষ দীপ হইল নির্বাণ,
বৃথা চেষ্টা আলোকের আশে,
অঁধারে মগন রহ, প্রাণ ।

মাঝে মাঝে ভুলে যাব পথ,
মুহুমুহু স্থলিবে চরণ ;
অদৃষ্ট, পুরাও মনোরথ,
তিতিক্ষাই আমার শরণ ।

কিযে এক স্রোতো ছুঁনিবার
 ভাসাইয়া লয় সুখরাশি,
 মন্ত্রমুগ্ধ বসি নদীপার,
 আমি কেন না যাইনু ভাসি ?

সব মোর ভেসে চলে যায়,
 আমি মোর ভাসিবার নই,
 ভেঙ্গে যায় যবে ঘাত পায়,
 আমি শত ব্যথা সয়ে রই ।

এ প্রবাস সহিয়া রহিতে,
 আমরণ সহি তবে রহি ;
 অঁধার রাজিছে চারিভিতে,
 বোঝা মোর অঁধারেই বহি ।

দিন চলে যায় ।

একে একে একে হায় ! দিনগুলি চলে যায়,
 কালের প্রবাহ পরে প্রবাহু গড়ায়,
 সাগরে বুবুদু মত উন্মত্ত বাসনা যত
 হৃদয়ের আশা শত হৃদয়ে মিলায়,
 আর দিন চলে যায় ।

জীবনে অঁধার করি, কৃতান্ত সে লয় হরি
 প্রাণাধিক প্রিয়জনে, কে নিব্বারে তার ?
 শিথিল হৃদয় নিয়ে, নর শূন্যালে গিয়ে,
 জীবনের বোঝা লয় তুলিয়া মাথায়,
 আর দিন চলে যায় ।

নিখাস নয়নজল মানবের শোকানল
 একটু একটু করি ক্রমশঃ নিব্বায়,
 স্মৃতি শুধু জেগে রহে, অতীত কাহিনী কহে
 লাগে গত নিশীথের স্বপনের প্রায় ;
 আর দিন চলে যায় !

বর্ষ সঙ্গীত ।

আপনার বেগে, আপনার মনে,
 কোথায় বরষ চলিয়া যায়,
 অপূর্ণ বাসনা রহিল কাহার
 দেখিতে বারেক ফিরি না চায় ।
 কার নয়নের ফুরালনা জল
 শুকালনা কার প্রাণের কত,

কাহার হৃদয় নিশীথে দিবায়

অলিছে ভীষণ চিতার মত,

কাহার কণ্ঠের মুকুতার মালা

ছিঁড়িয়া পড়িল শতধা হয়ে,

কার হৃদি শোভা বিকচ কুমুম

শুকায়িয়া গেল হৃদয় ছুঁয়ে,

দেখিবারে তাহা মুহূর্তের তরে

থামিলনা ওর অস্তুর পথে,

অই যায় চলে, অই যায়,—যায়

সৌর-দ্যুতিময় দ্রুতগ রথে ।

বরষের পর বরষ যাইছে,

বিদায়ের কালে চরণে তার,

কত প্রাণ ভাঙ্গি, কত অঁাখি দিয়া

পড়িছে তরল মুকুতা ভার !

আপনার ভাবে, আপনার মনে,

অশ্রুসিক্ত পদে চলিয়া যায়,

শোনে না কাহারো • রোদনের রব,

কারো মুখ পানে ফিরি না চায় !

ত্রিয়মাণ প্রাণ আশা ভর করি
 বরষ প্রভাতে দাঁড়ায় উঠে',
 নবীন উষায় হৃদয় কাননে
 আবার নবীন কুসুম ফুটে।

জীবন বেলায় আবার খেলায়
 কল্পনার মৃদু লহরীমালা,
 ভুলে যাই গত বিষাদ বেদন
 শত নিরাশার দারুণ জ্বালা।

একটা প্রভাত সুখে কেটে যায়,
 আশার মৃদুল সুরভি বায়
 একদিন রাখে শ্রান্তি ভুলাইয়া,
 একদিন পাখী মধুরে গায়।

আবার, আবার, ফিরিয়া ঘুরিয়া,
 তেমনি শতক নিরাশা আসে,
 তেমনি করিয়া ঘনু অন্ধকার
 হৃদয় গগন আবার গ্রাসে।

পড়িয়া, উঠিয়া, থামিয়া, চলিয়া,
 পায় জড়াইয়া কণ্টকরাশি,

জীবনের পথে চলি অবিরাম,
কখন বা কাঁদি, কখন হাসি !

আপনার বেগে, আপনার মনে,
আবার বরষ চলিয়া যায়,
কে পড়িল পথে, কে উঠি চলিল,
দেখিবার তরে ফিরে না চায়।

কেহ কি দেখে না ? কেহ কি চাহে না
দুঃখী দুঃবল নরের পানে ?
তবে কেন, প্রতি নূতন বরষে
ফুটে নব ফুল হৃদয় বনে ?

তবে কেন আজ শিরায় শিরায়
উৎসাহের স্রোতঃ আবার বহে ?
তবে আশাবাণী কেন কাণে কাণে
শতক অমিয়-বচন কহে ?

নিরাশা, বেদনা, দুঃখ অশ্রু লয়ে
পুরাণ বরষ গিয়াছে যাক্,
দ্বাদশ মাসের বিষাদের দাগ
উহারি বুকেতে লুকান থাক্।

কৃপা চম্ভ কার, অশ্রুট আলোকে
দেখিতেছি, আছে জড়ায়ে সবে,
অই হাত ধরে' উঠি পড়ে' পড়ে',
কেন আর ভয় পাইগো তবে ।

উঠিয়া পড়িয়া, ভাঙ্গিয়া গড়িয়া,
বরষে বরষে বাড়ুক বল,
কুটুক না পারে ছুটা তুচ্ছ কাঁটা ?
বহুক না কেন নয়ন-জল ?

নূতন উদ্ভমে, নূতন আনন্দে,
আজিতো গাহিব আশার গান,
নূতন বরষে আজি নব ব্রতে
আবার দীক্ষিত করিব প্রাণ ।

আয় অশ্রু আয় ।

হাসির আশ্রুণ আলি দহিয়াছি শুক প্রাণ ;
সারাদিন করিয়াছি শুক হরষের ভান ।

আয় অশ্রু আয় ।

সকলে দেখিল মুখ, বকের ভিতরে মোর
দেখে নাই মগ্নবাণী রহিয়াছে কি কঠোর ।

আয় অশ্রু আয় ।

বাঁধরে আমার শুধু শাস্তির কোমুদীরাশ,
স্বপ্নের তরঙ্গে যেন সদাই রয়েছে ভাসি ।

আয় অশ্রু আয়

ঘুমাঠাচ্ছে এ আলয়, একা এই উপাধান
জানিবে, দেখিবে তোরে, আয় অশ্রু, জুড়া' প্রাণ

আয় অশ্রু আয় ।

থাম্ অশ্রু থাম্ ।

আজি হেথা আনন্দ উৎসব,

আজি হেথা হরমের রব,

ন

থাম্, অশ্রু থাম্

দেখ্, ওরা উল্লসিতপ্রাণ,

শোন্, বহে আমাদের গান,

থাম্ অশ্রু থাম্ ।

অই দেখ্, কত সুখোচ্ছাস
উথলিছে তোৱ চাৰি পাশ,
থাম্, অশ্রু থাম্।

ধৰণী কি শুধু দুঃখময় ?
ওৱা যে গো অন্ত কথা কয়, -
থাম্ অশ্রু থাম্।

এতেক সুখেৰ নাৰখানে
আজি আমি কাঁদি কোন প্ৰাণে ?
থাম্, অশ্রু থাম্।

বেলাভূমি অতিক্ৰম কৰি,
তু' একটি সুখেৰ লহৰী
চুহিয়াছে প্ৰাণ ;

ছেড়ে দেৱে, ছেড়ে দেৱে যাই,
আমি হাসি, আমি গান গাই,
থাম্, অশ্রু থাম্।

কোথায় ?

হিয়ারে, কোথায় নিতে চাহিস্ আমারে হার ?
 আকুল, অধীর পারা ছুটেছিস্ দিশাহারা,
 ধাম্ বৃষ্টি মরুভূমে হেরি মৃগনৃষ্ণিকায় !
 আরনা, আরনা, হিরে, ফিরে আয় ফিরে আয়

কি জানি সুধাই কারে, কোথায় যে যেতে চাই !
 কি জানি কোথা কে ডাকে, ছুটেছি পাগল তাই !
 কি জানি নূতন ভাষা প্রাণের ভিতরে ভাষে ;
 কি মধুর আলো এক ঝাঁথির উপরে হাসে ;
 ভাষা সে মধুর ভাষা, আমিই বৃষ্টি না ভাল ;
 আমি অন্ধপ্রায়, কিন্তু আলো সে উজ্জল আলো ।
 তাইতো গো অবিরাম চলিয়াছি দিশাহারা ;
 তাইতো গো দিশি দিশি ছুটেছি পাগলপারা ।

‘ অকুল অতল ঘোর এ সংসার পারাবারে
 ভাসাইয়া হুদ্র তরী, দিবালোকে, অন্ধকারে,
 অবিরাম, অবিশ্রাম, মানব চলিয়া যায়,
 নাহি জানে কোথা যাবে তরঙ্গের ঘায় ঘায় ;—
 অন্ধ্র যে কর্ণধার কাটায়ে তরঙ্গগ্রাস,
 চালান তরণী তার ; ভেদিয়া অঁধার রাশ,

উজ্জ্বল নক্ষত্র সম য়ার নয়নের ভাতি
 সম্মুখে দেখায় পথ আসিলে তামসী রাতি ;
 শুধিতে মানসস্বর্ণ অনলের মাঝ দিয়া
 যাহার অদৃশ্য বাহু মানবেরে যায় নিয়া ;
 স্মৃথের মধুর স্বাদ করিতে মধুরতর
 হৃৎথের বিধান য়ার ; তাঁহারি স্নেহের কর,
 সঙ্কট কণ্টকারণ্যে, মরুভূমে, অন্ধকারে,
 যাবে না কি লয়ে মম ছুরবল হাত ধরে' ?

লক্ষ্য-তারা ।

বিশাল গগন মাঝে এক জ্যোতির্শ্রয়ী তারা,
 তাহারেই লক্ষ্য করি চলিয়াছি অবিরাম,
 ঘন ঘোর তমোজালে জগৎ হয়েছে হারা,
 পরবাসী আত্মা মম চাহে সে আলোকধাম ।

লভিতে আলোকধাম, চলিয়াছে অবিরাম,
 কাহারে সুধাই, সে কি হইতেছে অগ্রসর ?
 যেথা যাই নভো মাঝে সে তারকা সদা রাজে,
 কাহার পশ্চাতে তবে ছুটিতেছি নিরস্তর ?

বসি রহিতাম যদি ওই কুটীরের দ্বারে,
 দাঁড়াতনা ও তারকা নয়নের আগে মোর ?
 ছুটে ছুটে আসিয়াছি বিজন জলধি পারে,
 দিগন্তের অস্ত্রে গেলে লাগাল কি পাব ওর ?

কঠোর বসুধাবৃকে ভ্রমিতেছি শুষ্ক মুখে,
 থামিব কি এইখানে ? কোন স্থানে, কোন দিন
 ধরারে ধরিয়া হাতে স্বরগ লইবে সাথে,
 আলোক নীরধি মাঝে অঁধার হইবে লীন ।

নির্ব্বাণ । .

কে কোথায় গেয়েছিল গান,—
 সুর তার গেছি ভুলি, মনে নাই কথা গুলি,
 শেষ তার “জীবনের জলন্তু শ্মশান
 কোন দিন হইবে নির্ব্বাণ ?”
 “

তাপদগ্ধ হয় যবে প্রাণ,
 কোলাহল ভেদি জনতার, হানে ধীরে হৃদয় ছয়ার
 বিরাগের সহচর উন্মাদক গান,
 “কোন দিন হইবে নির্ব্বাণ ?”

নির্বাণ ।

সুন্দরতা-মগন পরাগ

মজি রহে যেথা চাই, আপনারে ভুলে বাই,—

এই বৃষ্টি নিবে যাওয়া জলন্ত শ্মশান ?

একি নহে ক্ষণিক নির্বাণ ?

খোলে যবে নিদ্রিত নয়ান,

আদি অস্তে, জড়ে নরে, ত্রিভুবন চরাচরে,

হেরে শুধু সৌন্দর্যের, প্রেমের বিধান,

জুড়াইয়া জলন্ত পরাগ !

এক দিন হবে না এমন,

আপনারে ভুলি চিরতরে, মগ্ন রব সৌন্দর্য-সাগরে

কিবা অমা, কি পূর্ণিমা, মরু, ফুলবন,

আনন্দের হবে প্রস্রবণ ?

সেই দিন বৃষ্টি দগ্ধ প্রাণ,

ক্ষণিক স্বপন মম, হেরিবে অতীতে মম,—

শৈশবের ভীতি, দুঃখ, অঁধার, অজ্ঞান।

সেই দিন হইবে নির্বাণ ।

জাগরণ ।

ঘুম ঘোরে ছিঁশু এত দিন,
 স্বপন দেখিতেছিঁশু কত,
 প্রাণ যেন হয়ে গেল ক্ষীণ
 হুঃখ বনে ভ্রমি অবিরত ।

কেহ কাছে নাহি আপনার,
 মুখ তুলে যার পানে চাই,
 শূণ্ণ, শূণ্ণ, শূণ্ণ চারি ধার,
 একলাটি পথ চলে যাই ।

শত কাঁটা বিঁধিয়াছে পায়,
 হাহাকার অশ্রুরাশি লয়ে ;
 দিবস রজনী চলি যায়,
 দীর্ঘ পথ তবু যায় রয়ে ।

অতি শ্রান্ত আকুলিত প্রাণে
 পড়িলাম ভূমে লুটাইয়া,
 আপনারি আর্তনাদ কাণে
 পশি, ঘুম দিল টুটাইয়া ।

কোথা যেন গেল মিলাইয়া
 রজনীর সেই হুঃস্বপন ;

দিশি দিশি আলো বিলাইয়া
দেখা দিল তরুণ তপন ।

স্বপন দেখিলু, তবে কেন
দেহ মোর অবসন্ন প্রাণ ?
স্বপনে কি লাগিয়াছে হেন
কণ্টকের শত চিহ্ন পায় ?

কোথা হ'তে আসিছে উষ্ম
সুরভিত বৃহ সমীরণ ?
কাঁটা যবে ফুটেছিল পায়,
জদি কি ফুটিল ফুলবন ?

নিয়তি আমার ।

নিয়তি আমার,
কঠিন পাষণ সম . কঠোর হৃদয় মম
দ্রবিবারে যে অনল করিলে সঞ্চার,
সেই সে অনল গিয়া, উজলি মলিন হিয়া,
আলোকিল জীবনের পথ অন্ধকার ।

পলাইতে চাহি ত্রাসে, জুড়াইলে ভুজপাশে,
 এড়াইতে কতই না করিনু যতন,
 অজ্ঞাত আত্মীয় জনে, দেখি ভয় পায় মনে,
 শিশু যথা, ভয়ে ভীত আছিহু তেমন ।

আকুল তরুণ হিয়া নিরজন পথ দিয়া
 কোলে করি নিয়ে শেষে এসেছে হেথায়,
 অশ্রুর নিঝর সম ঝরাইয়া আঁধি মম,
 কি মধুর দিব্যালোকে জুড়াইলে তায় !

নিয়তি আমার,
 চাহিনা ফিরিতে আর শৈশবের লীলাগার,
 তরুণ কল্পনা-ভূমি, অর্ধ-অন্ধকার,
 তৃষিত নয়ন-আগে যে দিব্য আলোক জাগে,
 তাহারেই লক্ষ্য করি চলি অনিবার,
 ধর ক্ষীণ হস্ত, তুমি, হস্ত বিধাতার ।

নূতন আকাজক্ষা ।

গাহিয়াছি যেই গান গাহিব না আর,
 ভুলে যাব বিষাদের সুর,
 হইবে নূতন ভাষা, নব ভাব তার,
 রাগিণী সে মৃদল মধুর ।

আমারে দিওনা দোষ, নূতন সঙ্গীত
 উন্মাদক নাহি যদি হয় ;
 শাস্তি সে গোধূলি আলো মৃদু সাক্ষ্যানিলে,
 নহে ঝড় বজ্র-বিদ্যাময় ।

হৃর্জর ঝটিকা সেই জনমের তরে
 থামিয়াছে, বাসনা, নৈরাশ ;
 দীন যাত্রিকের মত হাঁটি লক্ষ্যপানে,
 পথ-সুখে নাহি অভিনাষ ।

ধীরে ধীরে চলি, আর ধীরে গাহি গান,
 চারিদিক চেয়ে চলে যাই ;
 মুম্বু' পথিক যারা তাহাদেরি কাছে
 এ আমার সঙ্গীত শুনাই ।



আশা পথে ।

দুইটি যে ছিল অঁধি, প্রদীপ ভাবিত আলেয়ায় ;
 কতবার মরুমাঝে ভ্রান্ত হ'ত মৃগতৃষ্ণিকায় ;
 তাই পথে আসিল অঁধার ।
 ভয়ে দুঃখে অভিভূত কাঁদিলাম ধূলায় ধূসর,
 কতকালে উঠিলাম কম্পিত চরণে করি ভর,
 উঠিনু, পড়িনু কতবার ।

সম্বর্পণে ছই হাতে অন্ধবৎ পথ হাতাড়িয়া,
সম্মুখেতে সাধুকণ্ঠে গীতধ্বনি শুনিয়া শুনিয়া,
চলিলাম কি জানি কোথায় !

অঁধারে চলেছি অন্ধ, আসে রাত, শিশির বাতাস,- -
অই কি পোহাল নিশি ? একি উষা উষার নিশ্বাস ?
আলো যেন পড়িছে হিয়ায় ।

সহ যাত্রী যদি কেহ পিছে থাকে আমার মতন,
এস ভাই এই দিকে, হেথা আছে অন্ধ একজন,
কাণে তার পশিতেছে গান ;
উষার কিরণমালা হৃদি তার পশিয়াছে ;
জানে সে সম্মুখে আলো, অঁধার রয়েছে পাছে ;
তাই তার আনন্দিত প্রাণ ।

‘ নীরবে ।

বধিরেরা করে কোলাহল,
আপনার শ্রবণ বিকল,
ভাবে বুঝি সকলেরই তাই ।

আমরাও বধিরের মত,
উচরবে কথা কহি কত,
মূঢ় বাণী শুনিতে না পাই।

বিশ্ব-যন্ত্রে কি মধুর গীত
অনুদিন হইছে ধ্বনিত,
পশিতেছে নীরব আত্মায় ;

অস্বহীন দেশকাল পূরি
বাজিতেছে জাগরণী তুরী,
আহ্বানিছে কি জানি কোথায় !

কথা আর পারি না বলিতে,
চাহি পথ নীরবে চলিতে,
মূক হয়ে শুনিবারে চাই ;

কিবা স্তব্ব যামিনী সমান,
বাক্যহীন আরাধনা গান,
প্রেমবীণা বাজাইয়া গাই।

মানব শুনিবে সেই গান,
নীরবে মিশাবে তাহে তান,
ঐকতান বাজিবে সদাই।

যৌবন-তপস্যা ।

প্রভাত-অধরে হাসি, সন্ধ্যার মলিন মুখ,
 উত্তম ফুরায়ে যায়, ভাঙ্গে আশা ঘুচে সুখ ;
 চারিদিক্ চেয়ে তাই পরাণে লেগেছে ত্রাস,
 কেমনে কাটাব আমি কালের করাল গ্রাস,
 কোথা আমি লুকাব আমায় ?

দীন হীন এ জগতে হারাবার কিছু নাই.
 তবু, কাল, হে ভীষণ, এক বড় ভয় পাই.
 এক বাহা আছে নোর অতি বতনের ধন,
 জীবনের সারভাগ, কাল, আনার যৌবন
 কড়—কড় নাছি যেন যায় ।

সরল এ দেহ যষ্টে সবলে আঘাতি নাও,
 উজ্জ্বল লোচনোপরি কুজ্ঝাট বাধিয়ে দাও,
 শুভ্র হোক্ কেশরাজি—এ সকলে নাছি ডরি ;
 দাহিরের হত চাও একে একে লহ হরি,
 অস্তঃপুরে কর'না গমন ।

আত্মার নিবাসে আছে পরশ-মানিক তার,
 তাহারে হারালে হবে এ জগৎ অন্ধকার ;

শারদ কোমুদীভার, বসন্তের ফুলরাশি,
কবিতা, সঙ্গীত, আর প্রণয়ের অশ্রুহাসি,
আছে, যবে আছে যৌবন ।

{ জীবনের অবসান হোক যেই দিন হয়,
যাবৎ জীবন আছে যৌবন যেন গো রয়,
নহিলে, যৌবন যাবে, জীবন পশ্চাতে রবে,
বল দেখি, বল দেখি, সে মোর কেমন হবে ?
রহিবে না আশা অভিলাষ,—

সে কেমন হবে—আগি অবহেলি বর্তমান,
স্বপন-সমান এক অতীত করিব ধ্যান,
অন্ধ চক্ষুঃ তপ্তধারা বরসিবে অনুদিন,
সম্মুখ-আলোক রাজ্য হেরিবে না দৃষ্টিহীন ?
এমন ঘটিছে চারিপাশ,
তাই প্রাণে বাড়িছে তরাস ।

আগি যৌবনের লাগি তপস্বী করিষ যোর,
কালে না করিবে জয় জীবন-বসন্ত মোর ;
জীবনের অবসান হোক যেই দিন হবে,
যাবৎ জীবন মম তাবৎ যৌবন রবে ;—
এই আগি কারিয়াছি পণ ।

এ দেহ, ভঙ্গুর দেহ, বেকে যাক্, ভেঙ্গে যাক্,
 সবল এ হস্তপদে বল থাক্,—না-ই থাক্,
 খাটিতে না পারি যদি, দশের জীবনে জীয়া,
 অপরের সুখ হুঃখে সুখ হুঃখ মিশাইয়া,
 প্রেমব্রত করিব পালন ।

তরুণ হৃদয়গুলি নিকটে আসিবে যবে,
 আমারে বয়স্ ভাবি আশার স্বপন কবে ;
 নির্ঝাণ প্রদীপ যার—কেহ যদি থাকে হেন—
 বিধাতার আশীর্বাদে হেথা আলো পায় যেন,
 হস্ত পায় ধরিয়া দাঁড়াতে ।

তার পর, যেই দিন আয়ুঃ হবে অবসান,
 না হইতে শেষ এই এপারে আরক্ গান,
 জীবন যৌবন দৌহে বৈতরণী হবে পার,
 উজল হইবে তদা পশ্চাতের অন্ধকার,
 শরতের চাঁদনীর রাতে ।

আশার স্বপন

তোরা শুনে যা আমার মধুর স্বপন,
 শুনে যা আমার আশার কথা,

আমার নয়নের জল রয়েছে নয়নে
প্রাণের তবুও ঘুচেছে ব্যথা ৭

এই নিবিড় নীরব আঁধারের তলে,
ভাসিতে ভাসিতে নয়নের জলে,
কি জানি কখন কি মোহন বলে,
ঘুমায়ে ক্রণেক পড়িছু তথা ।

/ আমি শুনিমু জাহ্নবী যমুনার তীরে
পুণ্য দেবস্তুতি উঠিতেছে ধীরে,
কৃষ্ণা গোদাবরী নর্মদা কাবেরী-
পঞ্চনদকূলে একই প্রথা ।

আর দেখিছু যতক ভারত সন্তান,
একতায় বলী, জানে গরীয়ান,
আসিছে যেন গো তেজো মূর্তিমান,
অতীত স্মৃদানে আসিত যথা ।

ঘরে ভারত রমণী সাজাইছে ডালি,
বীর শিশুকুল দেয় করতালি,
মিলি যত বলা গাঁথি জয়মালা,
গাহিছে উল্লাসে বিজয় গাথা ।



‘ মা আমার ।’

যেই দিন ও চরণে ডালি দিনু এ জীবন,
হাসি, অশ্রু সেই দিন করিয়াছি বিসর্জন ।
হাসিবার কাঁদিবার অবসর নাহি আর,
হৃঃখিনী জনম-ভূমি,—মা আমার, মা আমার ।

অনল পুষ্টিতে চাহি আপনার তিয়া মাঝে,
আপনারে অপরেরে নিয়োজিতে তব কাজে :
ছোট খাটো সুখ হৃঃখ—কে হিসাব রাখে তার
ভূমি হবে চাহ কাজ, মা আমার, মা আমার ।

অতীতের কথা কহি’ বর্তমান যদি যায়,
সে কথাও কহিব না, হৃদয়ে জপিব তার ;
গাহি যদি কোন গান, গাব তবে অনিবার,
মরিব তোমারি তরে,—মা আমার, মা আমার ।

মরিব তোমারি কাজে, বাঁচিব তোমারি তরে,
নহিলে বিষাদময় এ জীবন কেবা ধরে ?
যতদিনে না ঘুচবে তোমার কলঙ্কভার,
থাক্ প্রাণ, থাক্ প্রাণ,—মা আমার, মা আমার ।

রমণীর স্বর । ১০

কেমনে আমোদে কাটাস্ দিবস ?

কেমনে ঘুমায়ে কাটাস্ নিশি ?

তোদের রোদন বিদারি গগন

দিচ্ হ'তে কেন ছুটে না দিশি ?

নিরাপদ গৃহে, আমোদে আরামে,

স্নেহের সন্তান লঠিয়া বৃকে,

বেড়াস্ যখন, ঘুমাস্ যখন

পতির প্রণয়-স্বপন-সুখে,

শিহরে না দেহ, ভাঙ্গে না স্বপন,

পিশাচ পীড়িতা নারীর স্বরে ?—

শিথিল হৃদয়ে ছুটে না শোণিত ?

কেমনে নীরবে রহিস্ ঘরে ?

নারী জীবনের জীবন যে মান,

সেই মান, সেই সর্বস্ব যায়—

শুনি, একদিন চলিত অচল.

তোদের হৃদয় টলে না তায় ?

পুরুষেরা আজ পুরুষ হীন,

সচল-যুগ্ম-পুতলী নারী ;

সজীব যে তার-ই মান অপমান,
গৌরব, সাহস, বীরত্ব তার-ই ।

সীতা সাবিত্রীর জনমে পাবিত
ভারতে রমণী হারায় মান ;
শুনিয়া নিশ্চিত হয়েছি সবে,
তোদের সতীত্ব শুধু কি ভাণ ?

রমণীর তরে কাঁদে না রমণী,
লাজে অপমানে জ্বলে না হিমা ?
রমণী শক্তি অম্বরদলনী,
তোরা নিরমিত কি ধাতু দিয়া ?

পতির সোহাগে সোহাগিনী তোরা,
দেখু অভাগীরা, দেখলো চেয়ে—
কি নরকানল পিশাচেরা মিলি
দেছে জ্বালাইয়া । পড়িবে ছেয়ে

সমগ্র ভারতে এই পাপানল,
দানব বিজিত পবিত্র ভূমে—
দেখু চেয়ে দেখু, তোরা পাষণীরা,
কেমনে নিশ্চিন্তে আছি স্মৃষ্ণে ?

স্বদূর প্রান্তরে কুলী নারী, সেও
 ভগিনীর বোন, মায়ের মেয়ে ;
 ভাব তার দশা, আপন ভগিনী
 হহিতার মুখ বারেক চেয়ে ।

কেমনে আমোদে কেটে যায় দিন,
 সুখের স্বপনে রজনী যায় ?
 নারীর চরম দুর্গতি নেহারি.
 নারীর হৃদয় টলে না তায় ?

কেঁদে বল্ গিয়া পিতার চরণে—
 “অত্যাচারে এক ভগিনী মরে ।”
 বল্ ভ্রাতৃপাশে—“কি করিছ ভাই,
 তোমাদের বাছ কিসের তরে ?”

বলিবি পতিরে—“প্রাণেশ আমার,
 থাকে যদি প্রেম পত্নীর তরে,
 দেখাও জগতে দুষ্কৃতি শাসন,
 সতীর সন্মান কেমনে করে ।”

ফুলিঙ্গ-বরষি, অশ্রুশূন্য অঁাধি
 নেহারি কুমার সুধাবে যবে

ক্রোধের কারণ, কহিবে তাহার
মর্শস্পৃকৃ দৃঢ় গন্তীর রবে—

“ভারতে অসুর করে উৎপীড়ন
বীর, বীরনারী ভারতে নাই—
দশাননজয়ী, নিগুপ্তনাশিনী—
ঘোর অস্ত্রদাহে মরিয়া যাই ।”

ব'ল তারপর—“বাছারে আমার,
জননীর ছুখে টলে কি প্রাণ ?
বল্ তবে বাছা, জন্মভূমি তরে
এ দেহ জীবন করিবি দান ।”

কে আজ নীরবে রয়েছি দেশে ?
কার ভ্রাতা, পতি মগন ঘুমে ?
রমণীর স্বর গৃহভেদ করি
হউক ধ্বনিত সমগ্র ভূমে ।



পাছে লোকে কিছু বলে।

করিতে পারিনা কাজ,
সদা ভয়, সদা লাজ,
সংশয়ে সংকল্প সদা টলে,—

পাছে লোকে কিছু বলে।

আড়ালে আড়ালে থাকি,
নীরবে আপনা ঢাকি,
সম্মুখে চরণ নাহি চলে,
পাছে লোকে কিছু বলে।

হৃদয়ে বৃদ্ বৃদ্ মত,
উঠে শুভ্র চিন্তা কত,
মিশে যায় হৃদয়ের তলে,
পাছে লোকে কিছু বলে।

কঁাদে প্রাণ যবে, আঁধি
সযতনে গুহু রাখি,
নিরমল নয়নের জলে •
পাছে লোকে কিছু বলে।

একটি স্নেহের কথা
প্রশমিতে পারে ব্যথা,—

চলে যাই উপেক্ষার ছলে,
পাছে লোকে কিছু বলে।

মহৎ উদ্দেশ্যে যবে,
এক সাথে মিলে সবে,
পারি না মিলিতে সেই দলে,
পাছে লোকে কিছু বলে।

বিধাতা দেছেন প্রাণ,
থাকি সদা ত্রিয়মাণ,
শক্তি মরে ভীতির কবলে,
পাছে লোকে কিছু বলে।

কামনা।

ওহে দেব, ভেঙ্গে দাও ভীতির শৃঙ্খল,
ছিঁড়ে দাও লাজের বন্ধন,
সমুদয় আপনারে দিই একেবারে
জগতের পায়ে বিসর্জন।

স্বামিন্, নিদেশ তব হৃদয়ে ধরিয়া,
তোমারি নির্দিষ্ট করি কাজ,—

ছোট হোক, বড় হোক, পরের নয়নে
পড়ুক বা না পড়ুক তাহে কেন লাজ ?

তুমি জীবনের প্রভু, তব ভৃত্য হয়ে
বিলাইব বিভব তোমার ;
আমার কি লাজ, আমি ততটুকু দিব,
তুমি দেছ যে টুকুর ভার ।

ভুলে যাই আপনারে, যশঃ অপবাদ
কভু যেন স্মরণে না আসে,
প্রেমের আলোক দাও, নির্ভরের বল,
তোমাতেই তৃপ্ত কর দাসে ।

দূর হ'তে ।

এ আমার আঁখার গুহার
আঁখি তব পশে নাই, হুয় !
ভালই—কি হবে দেখি,
কত কি যে রয়েছে সেথায় ।
ঘটনাসঙ্কুল এইদীর্ঘ পর্য্যটনে
দেখা শুনা হয়, দেব, অনেকের সনে ;

— শুধু নয়নের দেখা, অধরের বাণী,
 জগতের ব্যবধান মাঝে দেয় আনি—
 সকলের কাছে কিগো খুলে দিব প্রাণ ?
 গাহিব কি পথে ঘাটে বীজ-মন্ত্র গান ?
 দূর হ'তে দেখে যারা, দেখে তারা ধূমরাশি ;
 আগুন দেখিবে যদি, দেখ গো নিকটে আঁস

পাথেয় ।

গান শুনে গান মনে পড়ে,
 অশ্রুপাতে চোখে আসে জল,
 অতীতেরা বহু দূর হ'তে
 কি বলে' করিছে কোলাহল

তুমি মোর স্বদেশী, স্বজন,
 এ জনমে কিম্বা জন্মান্তরে
 আত্মায় আত্মায় পরিচয়
 ছিল, ভাই, হেন মনে পড়ে ।

কোন্ পথে এলে এত দূর ?
 কোন্ দিকে চলিছ আবার ?

পথে পথে হবে কি সম্পাত,
 দুই অক্ষ মিলিবে কি আর ?

দৈবগুণে হৃদগুর তরে
 দেখা হ'ল, ভালই হয়েছে ;
 পাথের ছিল না বেশী কিছু,
 দীর্ঘ পথ সম্মুখে রয়েছে ।

অন্তঃকর্মে গান লয়ে যাই,
 স্মৃতিফুলে নয়নের জল,
 অন্ধনেত্রে প্রেমের আলোক,
 ক্ষীণ প্রাণে কতটুকু বল ।

পরিচিত ।

অবিখ্যাস ? অসম্ভব । ঘন জনতার মাঝে
 ভ্রমিতেছি অনুদিন যে যাহার নিজ কাজে ;
 কেবা করে নিরর্থক, কে কার সন্ধান লয়,
 ক'জন্যের সাথে হয় ক'জন্যের পরিচয় ?
 মুখ যার চিনে রাখি, চিনি না হৃদয় তার,
 অকথিত হৃদভাষা সাধ্য নাহি বুঝিবার ।

একদিন—আজীবন স্বরণীয় একদিন—
 পথভ্রান্ত মরুস্থলে, তাপদগ্ধ, সঙ্গিহীন,
 অবসন্ন, ভূমিতলে ঢালিতেছি অশ্রুধার,
 ভাবিতেছি হেথা কেহ নাহি মোর আপনার :
 সেই দিন, কোথা হ'তে কে পথিক সহৃদয়
 সন্নেহে ডাকিল কাছে, হয়ে গেল পরিচয় ।

বিজনে দুঃখের দিনে তুলি অঁাখি অশ্রুস্রয়,
 আত্মায় আত্মায় যদি মুহূর্তেরও দেখা হয়,
 চেনা শুনা তাহাদের হয়ে যায় চিরতরে ;
 কেমনে করিবে তারা অবিশ্বাস পরস্পরে ?
 অপরে দেখিবে মুখ, শুনিবে মুখের বাণী ;
 আমি তাঁর হিয়া চিনি হৃদয়ের ভাষা জানি ।

কিসের ভিখারী যেন ভ্রমিতাম শূণ্য প্রাণে,
 বুঝিলে অভাব, যবে চাহিলে এ মুখপানে ;
 অযাচিত স্নেহরাশি অমনি ঢালিয়া দিলে,
 শুষ্ক পিপাসিত প্রাণ একবার জুড়াইলে,
 দেখাইয়া দিলে দূরে ছায়াময় তরুতল,
 বলে দিলে কোথা বহে অক্ষয়-নির্ব্বর-জল ।

যে দিন দাঁড়ালে আসি হুঃখী মুমূর্ষুর কাছে,
জানিলাম সেই দিন মানবে দেবতা আছে ।
আজও ভ্রমিতেছি দূরে রবিতাপে থিন্নপ্রাণ,
তবু জানি—একদিন মিলিবে বিশ্রাম-স্থান ।
যতদিন নাহি মিলে, নিজীব মুমূর্ষু হিয়া
তোমার স্নেহের স্মৃতি রাখিবে না জীয়াইয়া ?

স্বপ্নের স্বপন ।

স্বপ্নের স্বপন, উষা, কেন আহা ভেঙ্গে দিলে ?
অমন মধুর ছবি আঁখি হ'তে মুছে নিলে ?
মৃদুল অরুণালোকে গগন ধরণী ভাসে ;
সোণার কিরণ-লেখা নীল মেঘে মৃদু হাসে ;
ললিত-লতিকা-কোলে হাসি ফুলরাজি দোলে
সরসীর স্বচ্ছজলে বালরবি ধীরে খেলে ;
বিহগ সঙ্গীত করি মধুর মধুর সুরে
মুক্ত পক্ষে শূণ্যবক্ষে কোথায় চলিছে উড়ে ;
মোহিত মুগধ চিতে চাহিলাম চারিভিতে—
চঞ্চল সরসী জলে, আকাশের ঘন নীলে ;
দেখিতে দেখিতে যেন দুটি পক্ষ বিস্তারিয়া,
উঠিলাম মেঘ-দেহে শূণ্যাকাশ সঁতারিয়া,

সুকোমল মেঘগুলি কে যেন সরা'য়ে ফেলি,
 ভূজপাশে জড়াইয়া সম্ভাবিল সখা বলি ।
 বহুদিন অই স্বর উপোষিত কর্ণে মম
 ঢালেনি ও মৃদু গীতি অমিয়ার ধারা সম ;
 উত্তপ্ত উষর স্থলে মেহের শিশিরজলে
 ভিজিল বিসৃষ্ট প্রাণ না জানি এ কত কালে ।
 সুখের স্বপন হেন, কেন, উষা, ভেঙ্গে দিলে ?

সহচর ।

দুঃখ সে পেয়েছে বহুদিন,
 শৈশবে, কৈশোরে, তার পর,
 কি বসন্তে, কি শরতে, শিরে
 ঝটিকা বহিত নিরন্তর ।

গভীর অঁধারে রজনীর
 জাগিয়া থাকিতে হ'ত প্রায়,
 অঁধার ঢাকিত অশ্রুণীর,
 নিশ্বাসে বহিত নৈশ বায় ।

অনাবৃত ধরণী-শয্যায়
 সে যখন ঘুমায়ে পড়িত,

স্বপনেরা অধরের তীরে
কি মধুর হাসি এঁকে দিত !

এতদিন যুঝিতে যুঝিতে
জীবনের সমর-প্রাস্তরে,
জয় কিবা লাভি পরাজয়
গেছে চলি কোন্ দেশান্তরে ।

সঙ্গীরা খুজিছে চারিদিক্
কোথা সখা ? কোথা সখা ? বলি ;—
এসে ছিল কোন্ দেশ থেকে ?
কোন্ দেশে গিয়াছে সে চলি ?

যায়নি' সে, মনে হয় যেন,
অদৃশ্য রয়েছে কাছাকাছে ;
তার বলে প্রাণে বল পাই ,
না, না, সে হেথাই কোথা আছে ।

পঞ্চক ।

[১]

কণ্টক কানন মাঝে তুমি কুমুমিত লতা

কোথা হ'তে এলে ?

জনমিয়া পৃথিবীতে অপার্থিব প্রভারাশি

কোথা তুমি পেলে ?

যে চাহে ও মুখ পানে তাহারি হৃদয় যেন

ভুলয়ে সংসার,

মোহিত নয়ন পথে যেনগো খুলিয়া যার

ত্রিদিবের দ্বার ।

স্নেহসিক্ত অঁাখি তুলি মূহু বিলোকনে যার

মুখ পানে চাও,

পূত মন্দাকিনী-নীরে হৃদয় তাহার যেন

ধুয়াইয়া যাও ।

স্বরগের পবিত্রতা মানবী আকারে কিগো

গঠিলা বিধাতা ?

অথবা, চিনি না মোরা, " নর মাঝে তুমি কোন

প্রবাসি-দেবতা ?

[২]

বিষাদের ছায়া সূচারু আননে।

বিষাদের রেখা অঁধির কোলে,
কুসুমের শোভা বিজড়িত হাসি,
তাতেও যেনরে বিষাদ খেলে ।

স্বচ্ছ নীরদের আবরণ তলে

নিশীথে চাঁদিমা যেমন ভাসে,
ভরঙ্গ আঘাতে বিকচ কমল
ডুবিতে ডুবিতে যেনরে ভাসে ।

কি জানি কেমনে মৃহল নয়ন

হৃদয়ে আগার বেঁধেছে ডোর,
শত মোন্দাকিনী দেছে ছুটাইয়া
মরুভূমি সম জীবনে মোর ।

[৩]

আধেক হৃদয় তার সংসারের তীরে,

আধেক নিরত দূর সুরপুরে রয় ;
নিরাশা, পিপাসা কভু আধেকেরে ঘিরে,
আধ তার ভুলিবার, টলিবার নয়—
সেই তার কুমারী-হৃদয় ।

জানি আমি, মোর হৃৎখে করে আঁধি তার,
 জানি আমি, হিয়া তার করুণা-নিগম,
 তাই শুধু, শুধু তাই, কিছু নহে আর ;
 আমার—আমার কভু হইবার নয়
 সেই তার কুমারী-হৃদয় ।

ধরা আর ত্রিদিবের মাঝে করে বাস,
 আলো আর আঁধারের মিলন-সীমায়
 আধ কাঁটা, আধ তার সৌরভ সুগাম ;
 কাঁটা ধরি, সে সুবাস ধরা নাহি যায়—
 সেই তার কুমারী-হৃদয় ।

বিহগ-বালিকা ছুটি দূর শূন্য-থরে
 মুক্ত-কণ্ঠে কত গীত গাহে মধুময়,
 ভুলে ভুলে ভাবি আমি, অভাগারি তরে
 বিষাদের মূঢ় স্রোতঃ তার সাথে বয়,
 অধেক আমারি সেই কুমারী-হৃদয় ।

[৪]

এত কি কঠিন তব প্রাণ ?
 তোমারে আপনা দিয়া, অতি তিরপিত হিয়া,
 অামিতো চাহিনা প্রতিদান ।

দূরে রও, উর্ধ্বে রও, দেবী হয়ে পূজা লও,

পূজিবার দেহ অধিকার ;

তার বেশী চাহি নাই, তাও কেন নাহি পাই,

তাও কেন অদেয় তোমার ?

শোন্ বাল্য, বলি তোরে— সুদূর গগনক্রোড়ে

অই যে রয়েছে ধ্রুবতারা,

ওর পানে চেয়ে চেয়ে দুস্তর সাগর বেয়ে

চলে যায় দূর-যাত্রী যারা ;

মানবের দৃষ্টি আসি, তারকার আলোরাশি,

এতটুকু করে না মলিন,

তারা সে তারাই রয়, তাহারে নেহারি হয়

দৃষ্টিবান্, দিগভ্রাস্ত দীন ।

ভুমি তারকায় চেয়ে লক্ষ্য পানে যাবে বেয়ে,

এই শুধু অভিলাষ যার, •

না দেখায় আপনারে, আর কাঁদা'ওনা তারে

তার পথ ক'রনা অঁধার ।

[৫]

দেখি আমি মাঝে মাঝে,
 শুনি এ করুণ গান,
 গলি আসে আঁধি প্রান্তে
 করুণা-কোমল প্রাণ ;

নিষাদের বংশীরবে
 মৃগুধা হরিণী সম,
 অসতর্ক ধীরে ধীরে
 সন্নিহিত হয় মম ।

চিত্তে নাহি লয় মোর
 বিধিতে বাঁধিতে তারে,
 তারে যে এ গীত মোর
 মুহূর্ত্ত ভুলতে পারে :

ভুলে যে সে কাছে আসে,
 জেনে যে সে চলে যায়,
 পূর্বকৃত তপস্যার
 ফল বলি মানি তার ।

এ লোকে এ কণ্ঠ মম ,
 নীরব হইবে যবে,
 ছ' চারিটি গান মোর
 হয়ত বা মনে রবে ;

হয়ত অজ্ঞাতসারে
 গায়কে পড়িবে মনে ;
 হয়ত বা ভুলে অশ্রু
 দেখা দিবে ছনয়নে ;

তা' হ'লেই চরিতার্থ
 জীবন—জনম—গান,
 তাহাই যথেষ্ট মম
 প্রণয়ের প্রতিদান ।

প্রণয়ে ব্যথা ।

কেন যন্ত্রণার কথা, কেন নিরাশার ব্যথা,
 জড়িত রহিল ভবে ভালবাসা মাথে ?
 কেন এত হাহাকার, এত বারে অশ্রুধার
 কেন কণ্ঠকের স্তূপপ্রণয়ের পথে ?

বিস্তীর্ণ প্রান্তর মাঝে প্রাণ এক যবে খোজে
 আকুল ব্যাকুল হয়ে সাথী একজন,
 ভ্রমি বহু, অতি দূরে পায় যবে দেখিবারে
 একটি পথিক প্রাণ মনেরি মতন ;—

তখন, তখন তারে নিয়তি কেনরে বারে,
 কেন না মিশাতে দেয় দুইটি জীবন ?
 অল্পলজ্বা বাধারশি সম্মুখে দাঁড়ায় আসি—
 কেন দুই দিকে আহা যায় দুইজন ?

অথবা, একটি প্রাণ আপনারে করে দান—
 আপনারে দেয় ফেলে' অপরের পায় ;
 সে না বারেকের তরে ভুলেও ক্রক্ষেপ করে,
 সবলে চরণ তলে দলে' চলে' যায় ।

নৈরাশপূরিত ভবে শুভ যুগ কবে হবে,
 একটি প্রাণের তরে আর একটি প্রাণ
 কাঁদবে না সারা পথে,— প্রাণের মনোরথে
 স্বর্গমর্ত্যে কেহ নাহি দিবে বাধা দান ?



ছাড়াছাড়ি ।

ছাড়াছাড়ি—তাইতো হইবে :

সে আছিল নিতান্ত স্বপন—

তুমি আমি সংসারের দূরে,

কোন এক শান্তিময় পুরে,

নিরজন কোন গিরিবুকে,

কুটীরে রহিব মনস্বখে—

সে আছিল নিতান্ত স্বপন ।

ছাড়াছাড়ি—তাইতো হইবে ।

যদিই বা সম্ভব রহিত

সংসারের দূরে রহিবার,

প্রাণে কি গো কখন সহিত—

এত অশ্রু, এত হাহাকার

সমাজের দগ্ধ বৃকে রেখে,

ভাইবোনে চিরদুঃখী দেখে,

দৌহে রচি শান্তি নিকেতন,

চিরস্বখে কাটাতে জীবন ?

যাব, যদি যাইবারে হয়,
 দুই কেন্দ্রে আমরা দু'জন ।
 এ জীবন ছেলেখেলা নয়,
 দুশ্চর তপস্যা এ জীবন ।

এক প্রাণে গাঁথা নরচয়,
 আকুল, তৃষিত শান্তি লাগি,
 প্রত্যেকের জয়, পরাজয়,
 হরম ও বিষাদের ভাগী ।

ছাড়াছাড়ি—ক্ষতি নাই তা'তে ;
 দু'জনার আকুল হৃদয়
 দেশ-হিত তপস্যা সাধিতে
 টুটি যদি শতপান হয়—

তাই হোক । দুটি প্রাণ গেলে,
 দশজন বেঁচে যদি যায়,
 তবে দোঁহে আনন্দাশ্রু কেলো'
 যাব লয়ে অনন্ত বিদায় ।

বিদায়ে ।

বিদায়ের উপহার অশ্রুভার দিবে,
 একবার চাহিবে না হেসে ?
 জাননা কি, শূন্য প্রাণে যাইতে হইবে
 নিতান্তই ভিখারীর বেশে ?
 আনন্দ, আরাম, শান্তি রাখি তব কাছে,
 দেহ লয়ে চলিয়াছি, হিয়া ফেলি পাছে,
 চলিয়াছি অতি দূর দেশে ।

আজ বিদায়ের দিনে সাথে লয়ে যাব
 গ্লান মূর্তি, স্মৃতির সম্বল ?
 এ জনমে আর দেখা পাব কি না পাব,
 আজ তুমি মুছ আঁখিজল ;
 আজ তুমি হেসে চাও, অধরের ভাতি
 আমিলন, বিরহের অন্ধকার রাতি
 দীপ-সম করুক উজ্জল ।

মিরাশ ।


সত্য যদি, প্রিয়তম, উন্নতির পথে তব
 বাধা আমি,—কর আজ্ঞা, পথে তব নাহি রব ।

দেখাব না পাপমুখ, চাহিব না ভালবাসা,
 সাধ' একা লক্ষ্য তব, পূর্ণ হোক তব আশা ।
 তোমারি গৌরবে গর্ভ, তোমারি সুখেতে সুখ,
 তোমারি বিষাদে, নাথ, ভাঙ্গিয়া যাইবে বুক ।
 তোমার হৃদয়ে শান্তি, তুমি ভালবাস তাই
 আমার প্রাণের তৃপ্তি, অশ্রু আকাঙ্ক্ষিত নাই ।
 তাই যদি নাহি পাই, যাও চলে, প্রিয়তম,
 ফেলে যাও,—দলে যাও তুচ্ছ এ হৃদয় মম ।
 নিশ্চিন্ত নয়ন তব, শান্তি সুখ নাহি মনে,
 বল কভু—“গৃহ ছাড়ি সাধ হয় যাই বনে ;
 পঙ্কে নিমগন পদ, উঠিবারে যত চাই,
 পড়িয়া গভীরতর আবার ডুবিয়া যাই ।”—
 প্রিয়তম, আমি কি সে সুদুস্তর পঙ্ক তব ?
 আমি বাধা ?—যাও ছাড়ি, পদ প্রান্তে নাহি রব ।

শৈশবে দোঁহারে লয়ে বেঁধে দিল হাতে হাতে,
 বাঁধিতে নারিল তারা হৃদয়ে হৃদয়সাথে
 জ্ঞানের আলোক, নাথ, তুমি হলে অগ্রসর,
 অজ্ঞানের অন্ধকারে আর্মিতো বেঁধেছি ঘর !
 শৈশবে গিয়াছে চলি, কৈশোর পেয়েছে লয়,
 কবে পরিণয় হ'ল, কবে হ'ল পরিচয় !

তোমাতে আমাতে মিল, আলোকে অঁধারে যত,
তাইতো মলিনমুখে ভ্রম হুঃখে অবিরত ।

কিবা গূঢ়তর দৃষ্টি লভিয়াছে অঁধি তব,
ভূতলে গগনে হের কত কিছু অভিনব !
কোন দূর আকরের সন্ধান পেয়েছে যেন,
আমার ঐশ্বর্য যাহা, তুচ্ছ তারে কর হেন !
কি দৃষ্টি সে লভিয়াছ—পেয়েছ সে কি রতন,
উপেক্ষা করিছ যে এ আমাদের ধন জন ?
কতবার সাধ যায়, বসি তব পদতলে,
শিখি সেই দিব্য মন্ত্র, যাহার মোহন বলে
ধনী হতে ধনী তুমি, যাহার অভাবে মম
প্রভাহীন রূপরাশি, অঁধি দুটি অন্ধসম ।
বৃথা আশা । আর দাসী চরণ-কণ্ঠকঁ হসে,
চাহেনা ভ্রমিতে সাথে ; থাক্ সে অঁধার লসে ।
সাঁতারিতে নারি সাথে, কেন আপনার ভারে
ডুবাইব, প্রাণাধিক, তোমারেও এ পাথারে ।



মুগ্ধ প্রণয় ।

সে কি কথা—বারে চেয়েছিলে
পাও নাই সন্ধান তাহার ?

কারে বলে' কার গলে দিলে
'প্রণয়ের পারিজাত হার ?

মুগ্ধ নর ; আঁখি ছলে মন ;
কল্পনা সে বাস্তবে ছায় ;
চারু মৃন্ডি করিয়া গঠন,
শিল্পী ভালবেসেছিল তায় ।

স্বরচিত প্রতিমার তরে
উন্মত্ত হইল যবে প্রাণ,
দেবতারে কছিল কাভরে—
পাষাণে জীবন কর দান ।

প্রেমময় বিধাতার বরে
সে বাসনা পূর্ণ হ'ল তার—
অনুভূতি কঠোর প্রস্তরে,
প্রতিমায় জীবন-সঞ্চার ।

পাষাণের প্রতিমাটী যবে
'প্রাণময়ী-নারীরূপ ধরে,
নারী তবে পারে না কি তবে
দেবী হ'তে বিধাতার বরে ?

সঞ্জীবনী মালা ।

["কেন মালা গাঁথি—কুমারীর চিন্তা" শীর্ষক কবিতা পাঠ করিয়া।]

কোন্ প্রাণে গাঁথ মালা আর ?

শ্মশানেতে যার বাস,

গৃহে যার সর্বনাশ,

কি সুখে সে গাঁথে ফুলহার ?

(এ বিলাস মাজে কিগো তার !)

ভস্মাবৃত সে সুখের ধাম,

ফুলবন কবিতার

দাবদগ্ধ ছারখার,

কোথা পেলো কুমুমের দাম ?

শ্মশানের শিশু তুই, বালা,

শ্মশানে ভোরের বেলা

খেলেছিস্ ছেলে খেলা,

স'য়ে গেছে শ্মশানের জালা,

শ্মশানের শিশু তুই, বালা,

আশে পাশে চিতা তোর,

কৈশোর স্বপনে ভোর,

কল্পনার গাঁথিছিস মালা !

কল্পনার প্রেম মালা নিয়া,
 মরণ উৎসাহে ভোর,
 আধখানি প্রাণ তোর
 কেন দিবি শ্মশানে ঢালিয়া ?

ভস্মে ভস্ম করি স্তূপাকার
 কি ফল লভিবি হা রে !
 মরণ কি কভু পারে
 মৃতরাশি বাঁচাতে আবার ?

পারগো—পারগো যদি, বালা,
 কুমারী হৃদয়ে তব
 জাগাও জীবন নব,
 গাঁথ প্রেম সঞ্জীবনৌ মালা ;—

এ মালা পরাবে যার গলে,
 নূতন জীবনে জেগে
 স্বরগীয় অনুরাগে
 প্রেম তব লবে প্রাণ তুলে ।

বৈশম্পায়ন ।

অচ্ছাদ-সরসী- তীরে বিচরিছে ধীরে ধীরে
পাগল পরাগ ;
প্রতি তরু, প্রতি লতা কি যেন কহিছে কথা
উন্মাদিয়া কাণ ।

সরসীর স্বচ্ছ জল, রবি-করে ঝলমল,
কত কথা বলে ;
কি ও ভাষা মনে নাই, শুনে শুধু চারি ঠাই
সঙ্গীত উথলে ।

আহত যুগের মত ছুটিতেছে ইতস্ততঃ,
চিনিছে না ঘর ;
লতা গহনের পাশে ঝগেক দাঁড়ায় এসে,
অশ্রু ঝর ঝর ।

এই কাননের কাছে কি যেন হারায় আছে—
সরবস্ব তার ;
আকুল ব্যাকুল চিতে খুঁজিতেছে চারি ভিতে,
শূন্য ঠারি ধার !

পান্থ-যুগল ।

‘কত জন এ ধরায়
 চলে, পড়ে, উঠে যায়
 বিক্ষত চরণে ;
 একা আসে, একা যায়,
 করেও না সাথে চায়,
 জীবনে মরণে ।

কেহ নিজ দুঃখ জ্বালা
 লয়ে কেন গাঁথে মালা,—
 যারে ভালবাসে
 তাহার ভবিষ্য ভুলি,
 গলে তাহে দেয় তুলি,
 বাঁধে তারে পাশে ?

“মলিন আনন্দ-রাহ
 বাড়ায় দুর্ভাগ বাহ,
 ধরি শুভ্র হাত,
 দুঃগম পথ দিয়া
 লয়ে যায় মূঢ় হিয়া
 আপনার সাথ ?

“আপনার অন্ধকারে
অন্ধীভূত করে তারে,
ঘন অবসাদে
সরল তরুণ প্রাণ
করে নত ম্রিয়মাণ,
কোন অপরাধে ?

“পুষ্পাস্তৃত পথ ফেলে,
তুমি, সখি, কেন এলে
কণ্টকিত পথে ?”—

“চরণের কাঁটাগুলি
নিজ হাতে নিব তুলি—
এই মনোরথে ।”

“কেন গো গুনিলে ডাক,
বলিলে—‘এ সুখ থাক্’ ;
কৈশোরের তীরে
কেন ফেলে এলে খেলা,
ভাসালে জীবন-ভেলা
ক্রুদ্ধ-সিন্ধু-নীরে ?”

“অন্ধকার পারাবার
এক সাথে হব পার—”

“বৃথা মনস্কাম ।

দুঃখ, প্রিয়ে, প্রাণমাঝে-
তুমি জীবনের সাঁঝে
পাওনা আরাম ।

“কুসুম-কোমল তনু
শুকাইছে অণু অণু,
ঝরে বা ত্বরায় ;
বুঝি বিষাদের দিন
বিরহ-নিশায় লীন,
সকলি কুরায় ।

“কত দৃঢ় বাহু ফেলে
তুমি, সখি, করেছিলে
দুর্বল আশ্রয় ;
জীবনের মহারণে
বুঝি মোরা দুই জনে
লভি পরাজয় ।”

“হয় হোক, প্রিয়তম,
তুচ্ছ এ জীবন মম
অন্ধকারময়,
তোমার পথের 'পরে
অনন্ত কালের তরে
আলো যদি রয় ।

“জীবন প্রাপ্তরে কত
চরণ হয়েছে ক্ষত,
সখা হে, তোমার ;
অতিক্রমি দুঃখ পথ,
হও পূর্ণ-মনোরথ—
পরীক্ষায় পার ।

“ক্ষীণপ্রাণ, শ্রান্তদেহ,
পথে যদি পড়ে কেহ,
আমি যেন পড়ি ;
তোমাতে বিজয়-বেশে
নেহারি সমর-দেশে,
স্বখে যেন মরি ।

। “তোমারে বিজয়ি-বেশে
 নেহারি সমর-দেশে,
 মুহাম্মান প্রাণ
 বারেক জীবন পাবে,
 অস্তিমে বারেক গাবে
 আনন্দের গান।

ধায় দিবা মেঘাবৃত,
 দ্বি গুণিত, ঘনীভূত
 সাক্ষ্য অন্ধকার ;
 রজনীর অবসানে
 জানি আমি কোন থানে
 জাগিব আবার।
 “বিঘ্ন বিপদের ’পরে
 , ক্রকুটি বিস্তার করে’,
 অগ্রসরি ধীরে—
 শত অস্ত্র-লেখা বৃকে,
 বিজয়ের জ্যোতিঃ মুখে,
 অনন্তের তীরে

“যখন দাঁড়াবে, সখা,
ছ’জনায় হবে দেখা ;
পরাজিত জন
তব জয়ে প্রীতমনা,
আজিকার এ কামনা
করিবে স্মরণ ।”

চন্দ্রাপীড়ের জাগরণ

অন্ধকার মরণের ছায়
কতকাল প্রণয়ী ঘুমায় ?—
চন্দ্রাপীড়, জাগ এইবার ।
বসন্তের বেলা চলে যায়,
বিহগেরা সাক্ষ্য গীত গায়,
প্রিয়া তব মুছে অশ্রুধার ।

মাস, বর্ষ হ’ল অবসান,
আশা-বাঁধা ভগন পরাণ •
নয়নেরে করেছে শাসন ;
কোন দিন ফেলি অশ্রুজল,
করিবে না প্রিয়-অমঙ্গল—
এই তার আছিল যে পণ ।

আজি ফুল মলয়জ দিয়া,
 শুভ্র-দেহা, শুভ্রতর-হিয়া,
 পূজিয়াছে প্রণয়ের দেবে ;
 নবীভূত আশারাশি তার,
 অশ্রু মানা শোনেনাকো আর—
 চন্দ্রাপীড়, মেল অঁখি এবে ।

দেখ চেয়ে, সিক্তোৎপল দুটি
 তোমা পানে রহিয়াছে কুটি,
 যেন সেই নেত্র-পথ দিয়া,
 জীবন, তেয়োগি নিজ কার,
 তোমারি অন্তরে যেতে চায়—
 তাই হোক, উঠগো বাঁচিয়া ।

প্রণয় সে আত্মার চেতন,
 জীবনের জনম নূতন,
 মরণের মরণ সেথায় ।
 চন্দ্রাপীড়, যুমা'ওনা আর—
 কাণে প্রাণে কে কহিল তার,
 অঁখি মেলি চন্দ্রাপীড় চায় ।

মৃত্যু-মোহ অই ভেঙ্গে যাবু,
স্বপ্ন তার চেতনে মিশায়,
চারি নেত্রে শুভ দরশন ;
এক দৃষ্টে কাদম্বরী চায়,
নিমেষ ফেলিতে ভয় পায়—
“এতো স্বপ্ন—নহে জাগরণ !”

নয়ন ফিরাতে ভয় পায়,
এ স্বপন পাছে ভেঙ্গে যাবু,
প্রাণ যেন উঠে উথলিয়া।
অঁগি ছুটি মুখ চেয়ে থাকু,
জীবন স্বপন হয়ে যাকু,
অতীতের বেদনা ভুলিয়া।

“আধেক স্বপনে, প্রিয়ে,
কাটিয়া গিয়াছে নিশি,
মধুর আধেক আর
জাগরণে আছে মিশি ;

“অঁধারে মুদিমু অঁধি,
আলোকে মীলিমু তার
মরণের অবসানে
জীবন জনম্ পায় ।”

“জীবন ?—জীবন, প্রিয় ?
নহি স্বপনের মোহে ?
মরণের কোন তীরে
অবতীর্ণ আজি দৌহে ?”

ভালবাসার ইতিহাস ।

জদয়ের অন্তঃপুরে, নব বধূটির মত
ভালবাসা মৃদু পদে করে বিচরণ,
পশিলে আপন কাণে আপনার মৃদু গীত,
সরমে আকুল হ'য়ে মরে সে তখন ;
আপনার ছায়া দেখি দূরে দূরে সরি যায়,
অম্বুতে অম্বুত কুল ফুটে তার পায় পায় !

শূন্য আলয়ের মাঝে উদাস উদাস শ্রাণ,
 কাঁদে সদা ভালবাসা, কেহ নাহি তার,
 কেহ তার নাহি বলে' সক্রুণ গাহে গান ;
 সে যে গেঁথেছিল এক কুসুমের হার,
 মাঝে মাঝে কাঁটা তার কেমনে জড়িয়ে গেছে
 টানিয়া না ফেলে কাঁটা, মালাগাছি ছেঁড়ে পাছে ।

কাঁদিয়া কাঁদিয়া তার ফুরিয়েছে অঁখিজল .
 ভালবাসা তপস্বিনী কাঁদেনাকো আর ;
 বিষাদ-সরসে তার কুটিয়াছে শতদল,
 শারদ-গগনভরা কোমুদীর ভার ;
 নলিনী-নিশ্বাস-বাহী স্নমধুর সাক্ষ্য বায়,
 দেখিতেছে ভালবাসা—কে যেন মরিয়া যায় ।

কে যেন সে মরে গেছে, তার শ্মশানের 'পরে
 উঠিয়াছে ধীরে ধীরে চারু দেবালয়,
 বিশ্বহিত পুরোহিত নিয়ত ভকতি ভরে
 পূজিতেছে বিশ্বদেবে ; ত্রিভুবনময়
 বিচরিতে ভালবাসা, স্বাধীনা, আননে তার,
 দিব্য প্রভা, কণ্ঠে দিব্য সঙ্গীতের সুধা-ধার ।

চাহিবে না ফিরে ?

পথে দেখে', ঘৃণাভরে কত কেহ গেল সরে'
 উপহাস করি' কেহ যায় পারে ঠেলে' ;
 কেহ বা নিকটে আসি, বরষি গঞ্জনা রাশি,
 ব্যথিতেরে ব্যথা দিয়া যায় শেষে ফেলো।

পতিত মানব তরে নাহি কিগো এ সংসারে
 একটি ব্যথিত প্রাণ, দুটি অশ্রুধার ?
 পথে পড়ে' অসহায়, পদে তারে দলে যায়,
 হু'খানি স্নেহের কর নাহি বাড়া'বার ?

সত্য, দোষে আপনার চরণ স্থলিত তার ;
 তাই তোমাদের পদ উঠিবে ও শিরে ?
 তাই তার আর্তুরবে সকলে বধির হবে,
 যে যাহার চলে' যাবে—চাহিবে না ফিরে ?
 বর্তিকা লইয়া হাতে, চলেছিল একসাথে
 পথে নিবে গেছে আলো, পড়িয়াছে তাই ;
 তোমরা কি দয়া করে', তুলিবে না, হাতে ধরে'
 অন্ধ দণ্ড তার লাগি থামিবে না, ভাই ?

তোমাদের বাতি দিয়া, প্রদীপ জ্বলিয়া নিয়া,
 তোমাদেরি হাত ধরি' হোক অগ্রসর ;
 পক্ষ মাঝে অন্ধকারে ফেলে যদি যাও তারে
 অঁধার রজনী তার রবে নিরন্তর ।

ডেকে আন্ ।

পথ ভুলে গিয়াছিল, আবার এসেছে ফিরে,
 দাঁড়ায়ে রয়েছে দূরে, লাজে ভয়ে নতশিরে ;
 সম্মুখে চলে না পদ, তুলিতে পারে না অঁথি,
 কাছে গিয়ে, হাত ধরে, ওরে তোরা আন্ ডাকি ।

ফিরাস্নে মুখ আজ, নীরব ধিক্কার করি,
 আজি আন্ স্নেহ-সুধা লোচন বচন ভরি ।
 অতীতে বরষি ঘৃণা কিবা আর হবে ফল ?
 অঁধার ভবিষ্য ভাবি' হাত ধরে লয়ে চল ।

স্নেহের অভাবে পাছে এই লজ্জানত প্রাণ
 সঙ্কোচ হারায় ফেলে—আন্, ওরে ডেকে আন্ ।
 আসিয়াছে ধরা দিতে, শত স্নেহ-বাহু-পাশে
 বেঁধে ফেল্ ; আজ গেলে আর যদি না-ই আসে ।

আলো ও ছায়া

দিনেকের স্তুবেহলা, দিনেকের ঘৃণা ক্রোধ
একটি জীবন তোরা হারাবি জনম শোধ ।
তোরা না জীবন দিবি ? উপেক্ষা যে বিষ-বাণ,
দুঃখ-ভরা ক্ষমা লয়ে, আন্, ওরে ডেকে আন্ ।

আহা থাক্ ।

আহা থাক্—আহা থাক্ ।
নীরবে, অঁধারে, নয়নের ধারে
আপনি নিবিয়া যাক্
দুঃখের আঁগুণ । মরম-আহুতি
দিও না, দিও না আর ;
স্নেহের অঙ্গুলি পরশেও ক্ষত
দ্বিগুণ জলিবে তার ।

কাজ নাই সাঙ্ঘনার ;
সময়, স্বভাব দুজন্য হাতে
দাও ব্যথিতের ভার—
কাজ নাই সাঙ্ঘনার ।

মায়ের আহ্বান

দগধ কাননে কিছু কাল পরে
তৃণক্রম জন্ম লয়,
ভগন শাখার চারি ধারে উঠে
উপশাখা, কিশলয় ;

কালের ভেষজে দগধ হৃদয়
হরিং হবে না আর ?
উঠিবে না নব আশা চারিদিকে
ভগ্ন, মৃত বাসনার ?

মায়ের আহ্বান ।

ছরারোহ গিরিবর-কূটে
অবহেলে চলেছিল ছুটে,
পড়ে গেলি, কি হয়েছে তায় ?
আয় বাবা, অঁচলে আমার
মুছে দিই নয়নের ধার,
আশীর্বাদ বরষি মাথায় ।

পাঠাইয়া তোরে দূরদেশে,
 অমুদিন রহিয়াছি বসে,
 পাতি কোল তোর প্রতীকার ;
 শ্রান্ত হ'স্. বাজে যদি দেহে,
 তুলে লব স্নেহের এ গেহে,
 মা'র ছেলে মা'র কোলে আর ।

কত কেহ ছুরাকাজ্জ বলি,
 আপনার পথে যাবে চলি,
 মরম পীড়িয়া উপেক্ষায় ;
 বিদেশীরা বুঝিবে না ভাষ,
 বুঝি বা করিবে উপহাস,
 করুক না, কিবা আসে যার ?

তোর দেহ কার দেহ দিয়া ?
 কার হৃদবীজে তোর হিয়া ?
 লাজ, ভয় কার কাছে হায় !
 জঠরে দিয়াছি যদি ঠাই,
 আজ কিগো কোলে স্থান নাই ?-
 আর, তবে আররে হেথায় ।

নিষ্ঠুর এ কঠোর সংসার,
কত আশা করে চুরমার,
হৃদয়ের প্রদীপ নিবায় ;
ভাঙ্গা আশা উঠিবে ষুড়িয়া,
দীপ-শিখা উঠিবে ফুরিয়া,
ছুটি দিন মা'র কোলে আয় ।

নী রব মাধুরী ।

ওরা কত কথা কহে,
ওরা কত করে কাজ ;
এ সদা নীরবে রহে,
আপনা দেখাতে লাজ ।

হুঃখে ওরা অশ্রুনির
সুখে ওরা জয়নাদ ;
এর হুঃখে আছে তীর,
এর হর্ষ মানে বাঁধ ।

ওরা কত স্নেহ জানে,
 কত কাছে ওরা যায় ;
 এর প্রাণ যত টানে,
 এ তত পিছাতে চায় ।

ওরা যাহে বাঁধা পড়ে,
 সে বাঁধন মানে না এ ;
 ওরা যারে এত ডরে,
 তার ভয় জানে না এ ।

এ থাকে আপন মনে,
 ধারে না কাহার ধার,
 নাহি বাদ কার' মনে,
 নাহি পর আপনার ।

ফুল এক বন মাঝে
 নিরঞ্জে ফুটে আছে,
 কখন সমীর মাঝে
 গন্ধ বহি আনে কাছে

শোভাময়ী প্রকৃতির

এক কোণ পূর্ণ করি,
নারব সৌন্দর্য্য ধীর
ফুটে আছে, যাবে ঝরি ।

কুসুম করেনা কাজ,
কুসুম কহেনা কথা ;
জন্ম তার মৃদু লাজ,
মরণ মধুর ব্যথা ।

এর কাজ, কথা এর
একটি জীবনে ভরা ;
আছে যে এ, তাই চের,
তাতেই কৃতার্থ ধরা ।

দেব-ভোগ্য ।

সে গেছে ; এ ধরা হ'তে, তাহারি পশ্চাতে,
অতুল সৌন্দর্য্য লুপ্ত তার ;
ভঙ্গ তার মুষ্টিমেয় মিশে বৃদ্ধিকাতে,
চিহ্ন কিছু রহিল না আর ।

অশ্রুসিক্ত স্নিগ্ধ নাম ক্ষুদ্র পরিবারে
 দিন কত উচ্চারিত হবে,
 সুন্দর জীবন তার বিস্মৃতি-আঁধারে
 চিরদিন আবরিত হবে ।

যে মাধুরী ধরণীর নয়ন জুড়ায়,
 কেহ আহা দেখিল না তারে ;
 কে জানে, তেমন দেখা যায় কি না যার
 মরণের অঙ্ককার পারে ।

সে গেছে ; এ ধরা হ'তে চিরদিন তরে
 যুচে গেছে সে সৌরভোচ্ছ্বাস ;
 যে শোভা ফুটিয়া ঝরে নেত্র-অগোচরে,
 তার কিগো বিফল বিকাশ ?

তাতো নয় ; যে সৌন্দর্য্য নিরজনে রহে
 বিকাশে না মানবের তরে ;
 গোপনে সুবাস, শোভা আজীবন বহে,
 নর চক্ষুঃ পাছে ম্লান করে ;

বিধাতার আঁধি তরে ফুটিয়া ধরায়,
 সৌন্দর্য্যের অর্ঘ্য ঝরে সুন্দরের পায় ।

অনাতুত ।

এলি যদি, রাণি, কেন ফিরে যাস্,
অভিমান-গ্লানমুখী ?
ভুলে এসেছি স্, ভুলে তবে হাস্,
ভুলে ভুল, কর সুখী ।

আসিয়া আতুত, ফিরে যাবি তাই ?
এসেছিলি—ছিল কাজ ?
আর কেহ হেথা অনাতুত নাই,
তাহে তোর এত লাজ ?

দেখ্, মানময়ি, আরও কত কেহ
অনাতুত উপস্থিত ;
শোন্ লো স্তুভগে, হৃদয়ের মেহ
আপন-আহ্বান-গীত ;

সৌন্দর্য্য আপন-নিমন্ত্রণময় •
অপরেরে কাছে আনে,
সাদর বচন কেড়ে যেন লয়,
এমনি মোহিনী জানে ।

দূর আলোক, মৃদুল বাতাস,
 সুদূর পাখীর ডাক,
 পাতার নীলিমা, কুসুমের বাস,
 তারা আছে ;—তুই থাক ।

তোর আগমনে, দেখ্ দেখি, মপি,
 আনন্দ-পূরিত গেছে
 বিগুণিত কি না সব্বেষব ধ্বনি—
 অাধি আদ্রীভূত স্নেহে ?

অতীত স্বপন যদি জাগাইতে,
 নরনেরে দিতে স্মথ,
 কত প্রাচীনের আশীর্বাদ নিতে,
 নিয়ে এলি ওই মুখ ।

বাঁকা কালা চুলে হাত রাখি সবে,
 করিবেন এ আশিস্—
 অনাহৃত হয়ে যেথা যাস্ যবে,
 'এমনি আনন্দ দিস ।



চিন্তুর প্রতি ।

হায় হায় ! কে তোরে শিখালে অভিমান,
সংসারের বিনিময়, দাবী দেনা জ্ঞান ?

কে শিখালে অনাদর ভয় ?

কে শিখালে আবরিতে আদর্শ সমান

শুভ্র, স্বচ্ছ, সরল হৃদয়,—

উপেক্ষার মিছা অভিনয় ?

বর্ষ তিনে শিখেছিম্ এ ধরার রীতি,
ভুলেছিম্ কুম্বমের বিপুল বিস্মৃতি,

নিরপেক্ষ আত্ম-বিতরণ ।


হারাম্‌নে পুরাতন সুন্দর প্রকৃতি,

না ডাকিতে দিম্ দরশন,

স্নেহদানে হ'স্নে কৃপণ ।

যেই মুখে দেবত্বের শুভ অভিজ্ঞান,

সে মুখে, সাজে কি, ধন, গ্লান অভিমান ?



নববর্ষে কোন বালিকার প্রতি ।

বড়ই বাসিগো ভাল কোমুদীর তলে
 হেরিতে আতট হাসি তটিনীর জলে ;
 বড় ভালবাসি আমি দিগন্তের গায়
 রক্তিম কিরণ মৃদু উষায় সন্ধ্যায় ।

শিশিরে স্নানাত চারু মুকুলিকাগুলি
 বাল-রবি-করে ফুটি, সমীরণে ঢুলি,
 ঈষৎ নুইয়া যবে হাসে মধুময়,
 পাশরায় অবসাদ, প্রাণ কেড়ে লয় ।

তেমতি যখনি, বাল্য, সরল ও হিয়া তোর
 শৈশব কিরণ তলে উছলিয়া উঠে,
 থেকে থেকে রাঙ্গা দুটি অধরের বাঁধ টুটি
 নিরমল স্নুধা হাসি সারা মুখে ছুটে,

কোমল-কপোল-যুগে, চিকন ললাট-তটে,
 ঈষৎ রক্তিম লেখা ক্ষণ শোভা পায়,
 সজল নয়ান মাঝে হাসির সে চেউ গুলি
 এ দিক্ সে দিক্ করি ভাসিয়া বেড়ায় ;

কোথা হতে ধীরে আসিছে তিমির
 আবরিছে জল স্থল,
 দিবালোক সনে কোথা গেছে চলে
 দিবসের কোলাহল !

চাঁদের তরল রজত কিরণ
 ভাসায় না আজি ধরা ;
 ক্ষীণ ক্ষীণ আলো ঢালিতেছে মিলি
 অয়তে অয়ত তারা ।

তবুও কি জানি কি জানি মোহিনী
 তারার চাহনি মাঝে,
 নীরব কর্ণের কি জানি কি কথা
 প্রাণের ভিতরে বাজে ।

আঁপি মুদি, খুলি, ফিরি ফিরি চাই,
 আবার নয়ন চাকি,
 ভগশয়া-পরি মাথাটি রাখিয়া,
 বিষাদ-মোহিত থাকি ।

আঁধার নিশায়, ক্ষুদ্র এ হৃদয়ে
 তোমাদের মূঢ় ভাতি
 ঢালি শত ধারে, রাখিও ভুলায়ে
 সারাটি নীরব রাত্তি ।

প্রভাতের ছবি তটিনীর জলে
 যখন দেখিতে পাব,
 ধীরে ধীরে উঠি যাব গৃহপানে,
 সারাদিন কাজে রব ।

ও কিরণ প্রাণে উদ্দীপনা হয়ে
 খাটাবে সংসার মাঝে,
 আকর্ষণী মত আবার এ বসন
 লইয়া আসিবে সাঁঝে ।



চাহি না । ✓

কার কাছে যাই, কার কাছে গাই
 আমার দুঃখের স্মৃতির কথা ;
 সরিয়ে নীরবে হৃদি-যবনিকা
 কাহারে দেখাই কি আছে তথা ।

চাহি না, চাহি না, কতবার বলি-
 চাহি না স্নেহ, চাহি না সখা,
 চাহি না করিতে স্নেহ-বিনিময়,
 আপনারে ভালবাসিব একা ।

চাহি না, চাহি না, কিছুই চাহি না,
 চাহি শুধু অই কানন খানি,
 চাহি শুধু মৃত কুসুমের হাস,
 বন বিহগের মধুর বাণী ।

চাহি নিরখিতে তরঙ্গের খেলা
 বসি এ বিজন তটিনীকূলে,
 অনন্ত বিশাল আকাশ চাহিয়ে,
 চাহি আপনারে বাইতে ভূলে ।

শুক্রা নজনীতে বিমল গগনে
 চাহি চন্দ্রমার রজত হাসি,
 অমায় অমায় চাহি চারিধারে
 গভীর গভীর তামস-রাশি ।

কেহ নাহি যার সে কারে চাহিবে ?

চাতি না স্মৃৎ, চাহি না সখা,
প্রকৃতির সাথে হাসিয়া কাঁদিয়া
সারাটি জীবন কাটা'ব একা ।

প্রকৃতি জননী, প্রকৃতি ভগিনী,
নির্সর্গ জাগার প্রাণের সখা,
আনারে তুষিতে ফুল মৃদু ভাসে.
নাচে জলে রবি-কিরণ-লেখা ।

চাহি না, চাহি না, ফের যেন কেন
ছুটে ছুটে যাই নরেন কাছে,
কহি মরনের দুইটি কাহিনী,
কহি স্মৃৎ স্মৃৎ যা' কিছু আছে ।

—*—

এতটুকু স্থলিত-চরণ
সঙ্কীর্ণ পন্থায়,
গিরিযাত্রী নিমেষের মাঝে
কোথা ডুবে যায় ।

আলো ও ছায়া ।

এতটুকু সাহসের কণা,
ক্ষুণ্ণ বীর্যের
জ্বল দেখি আপনার প্রাণে,
জন-সমাজের—

দুর্নীতির শত তৃণস্তূপ
চারিধারে হবে ভস্মসার ;
কেড়ে লও দাঁড়াবার ঠাই,
এ জগৎ চরণে তোমার !

এতটুকু চিন্তার অঙ্কুর
লভিল জনম যদি, হায় !
অজ্ঞাত বিজন হৃদি মাঝ,
উৎপাটিত কেন কর তায় ?

সেধে দেখ, উর্কর হৃদয়
' কেহ যদি লয়ে যার তারে,
লালিত, বর্ধিত হ'লে, কালে
ফল তাহে পারে ফলিবারে ।

সুখের সন্ধান ।

সুখ হে, তোমারে আমি
খুঁজিয়াছি, সজনে বিজনে ;
হে সুখ, বিরহে তব
কাঁদিয়াছি, শূণ্য শূণ্য মনে ।

তোমারে ডেকেছি আমি,
নাম ধরি, দিবসে নিশায়,
তোমারে করেছি ধ্যান,
নিতি নিতি, সন্ধ্যায় উষায় ।

যত বেশী খুঁজিতাম,
ছায়া তব হ'ত দূরতর ;
যত অশ্রু ঢালিতাম,
দুঃখ তত করিত কাতর ।

যত ভাবিতাম, তত
নেত্রে মম সুখের সংসার
বোধ হ'ত আলোহীন,
ধূমস্র, শুষ্ক ছায়াসার ।

আলো ও ছায়া ।

অধানে নিবাস তব
 কেহ নাহি বলে একবার ।
 কখনে কে বলে দেবে ?—
 সুখ, দুঃখ নিকটে আমার !

অনুশয়া ।

অনুশয়া রচিও আমার
 নিবনে তটিনীর তীরে ;
 মৃত্যু দেবে দলাইবে হাত,
 নদী গান গাবে ধীরে ধীরে ।

মনে করে, শেফালিকা এক
 বোপিও সে শয়নীয় পাশ,
 কল যবে কুটিবে তাহার
 আশে পাশে ছড়াইবে বাস ।

ঊষা না আসিতে, ধীরে ধীরে,
 শিশির মুকুতা শিরে পবি,
 স্তম্ভের শীতল মাথায়
 নীরবে পড়িলে ঝরি ঝরি ।

বসন্তের সান্ধ্য সমীরণে

তপ্ত শয্যা হবে স্নানীতল,

শরদের কোমুদীর হাস,

হিমতনু করিবে উজল ।

শোভাহীন আননে আমার

নব শোভা বিকসিত হবে,

চারিদিকে দিগ্বধু সূবে

মুগ্ধবৎ সদা চেয়ে রবে ।

ছ' একটি পাখী যেতে যেতে

বিরামিবে শেফালির ডালে,

ছ'টি গীত শুনাবে আমার

নীড়ে ফিরি যাইবার কালে ।

ছ' একটি কৃষকের শিশু

পথ ভুলে আসিবে সেথায়,

ছ'দণ্ড আমারি কাছে থেকে

খেলি ঘরে যাবে পুনরায় ।

আলো ও ছায়া ।

আর কেহ নাহি যেন আসে
 নিরালয় এ আলয় পাশ,
 মরণের সুকোমল কোলে
 বিজনে ঘুমাব বার মাস ।

বিধবার কাহিনী ।

আঁধারের মাঝে ছিনু কত দিন,
 অন্ধ হৃদয়ের তলে
 একটি প্রদীপ জলিয়া উঠিল,
 প্রেমের মোহন বলে ।

উজল সংসার হইল আঁধার,
 তাঁহারে হারানু যবে ;
 তাঁরি কথা পুনঃ হৃদয়ে ধরিয়া
 বাঁচিয়া রহিনু ভবে ।

“বিধির বিধান মস্তকে ধরিয়া,
 হব সদা আশ্রয়ান,
 বিপদ সম্পদ তাঁহারি আশিস্-
 তাঁহারি স্নেহের দান ।”

এ কঠিন ব্যথা দেব-আশীর্বাদ ?
বিধাতার স্নেহ-দান ?
বুঝিয়াও কেন বুঝিবারে নারি,
প্রবোধ না মানে প্রাণ ?

গেছে আশা-সুখ জনমের মত,
কোন সাধ নাহি ভবে,
সদা ভাবি মনে কোন্ শুভক্ষণে,
হু'জনায় দেখা হবে ।

হবে কি কখন ?—বলেছেন হবে ।
সেথা,—এ বিশ্বাস মম—
মরতের সেই গভীর প্রণয়
হইবে গভীরতম ।

জীবনের কাজ সাক্ষ হয় যবে,
মরণের পথ দিয়া
প্রবাসী মানবে বিধাতার দূত
স্ব-আলরে যার নিয়া ।

এ তুচ্ছ জীবনে, আছিল, যে কাজ,
 বহুদিন বুঝি নাই ;
 তাঁরি সাথে থেকে, তাঁরি হিয়া দেখে'
 জানিযু : ভাবিগো তাই.—

এ ক্ষুদ্র জীবনে—ধূলিরেণুসম
 তুচ্ছ এ জীবনেঃমম—
 যদি কোন কাজ থাকে করিবার
 রেণুর রেণুকঃ সম,

তাও যেন আহা করে যেতে পারি
 বিধাতার পদ চাতি'
 যে গীত শিখেছি, দুঃখ অন্ধকারে
 আশার সে গীত গাতি' ।

একটি অনাথা পিতৃহীনা বাল্য
 কুড়াইয়া পথমাঝ,
 আনি' দিলা পতি কোলেতে আমার
 সপ্ত বর্ষ হ'ল আজ ।

আপনার ভাবি দু'জনে মিলিয়া
 পালিতে আছি তায়,
 শিশুরে আমারে অনাথা করিয়া
 এক জন গেল, হায় !

ভাবি মনে মনে—পরমেশ-শিশু
 রয়েছে আমারি কাছে,
 একটি অমর আত্মার কোরক,
 তার ভার হাতে আছে ;

একটি অশ্রুট কুমুম-কলিকা
 ফুটিবে আমারি কোলে,
 কত কীট তাহে পারে প্রবেশিতে
 মায়ের অভাব হ'লে ।

হঃখময় এই জীবন আমার
 মাঝে মাঝে লাগে ভাল,
 বালিকার আশা অন্ধকার চিতে
 কোথা হতে ঢালে আলো ।

ওর মুখ চেয়ে, ওরে ভালবেসে
 দিবস কাটিয়া যায় ;
 ভুলে গেছি হাসি, ওর হাসি দেখে
 হাসিতেও সাধ যায় ।

আমন্ত্রিত ।

“দেখ, শুন, সুখে থাক, কেন চিন্তানলে
 সাধ করে পুড়ে মর ? এ জীর্ণ-সংস্কার—
 এতো বিধাতার কাজ । আমাদের বলে
 গড়ে না, ভাঙ্গে না কিছু । সহায়তা কার
 লাগে, বিশ্ব ডুবাইতে প্রলয়ের জলে ?
 আসুরী শক্তি সহ অনন্ত সময়
 দেবতার ; ক্ষুদ্র নর, ঈশ্বর মহান্—”

“ধন্য সেই, হয় যেই তাঁর সহচর
 এ সংগ্রামে, দিয়ে সুখ, তনু, মন, প্রাণ ।”

“হবে জয় দেবতার, তব বলে নর ;
 কণেকের পরাজয়, তা'ও তাঁরি হল ।—”

“বিধির ইঙ্গিত যারে রণে ডেকে লয়
তার বল নহে কভু—নিতান্ত নিষ্ফল ।
বিবেক যে সে হাতেরি ঘন কশাঘাত,
মহতী কামনা-রাশি সে হাতেরি রাশ,
জর্জরিত তনু, তুচ্ছ করি অস্ত্রপাত,
চির অগ্রসর শুনি তাঁহারি আশ্বাস ।”

“নির্মাণ সংহার শত পরিবর্ত্ত মাঝে,
অশরীরি রশ্মি টানি, তুরগ সমান
আবৃত-নয়ন নরে আপনার কাজে
লয়ে যান যথা পথে নিজে ভগবান্ ।
তুমি কেন ভেবে মর ? আপনার কাজ
বুঝি সাধিবেন প্রভু । কেন হাহাকার
ধরম ছুর্নীতি বলি, স্বদেশ, সমাজ ?
চলিবার ভার তব, নহে চালা'বার ।”

“কেন ভাবি ?—অঁাখি যবে চাঁরিদিক্ চায়,
হেরে গৃঢ় ছুর্গতির গাঢ় অন্ধকার,
সকলে দেখেনা কেন—সুখে নিদ্রা যায়,
শোনেনা আত্মার মাঝে দেবের ধিকার ?

নিদ্রিত-বিপন্ন-পার্শ্বে জেগে থাকে যারা,
 ত্রিকালজ্ঞ ভবেশের ত্রিনয়ন দিয়া
 তা'দের নয়নে ছুটে আলোকের ধারা ;
 ধরার তিমিরে হেরি কেঁদে উঠে হিয়া ।
 আবৃত-নয়ন তারা ?—অন্ধ কুড়াইয়া,
 অঁধারে লুকায়ে দেব করিছেন রণ ?
 দৈত্য মায়ী তুষসম বায়ে উড়াইয়া,
 হ্যতিমান্ জয়কেতু করিয়া ধারণ,
 দিবালোকে তাঁর জয় করে নি' প্রচার
 সজাগ বিস্মিত বিশ্বে, নিপাতি অসুর,
 তাঁর আমন্ত্রিতগণ ?—দুষ্কৃতির ভার
 যুগে যুগে ধরা হ'তে করে নাই দূর ?”

“দিবসের পরে নিশি,—এ নিশি কি রবে ?
 এতো বিধি ; এবে যারা ঘুমায় ঘুমাক্ ।
 নিশায় জাগায় লোকে কি সুফল ভবে ?
 দিন এলে ভাঙ্গে ঘুম, কেন ডাক ? থাক্ ।”

“সহস্র অঙ্কের মাঝে এক চক্ষুমান্
 নিজ চক্ষু আবরিয়া লভে কি আরাম ?
 সে চাহে সহস্রে দৃষ্টি করিবারে দান ;
 সে চাহে দেখাতে দৃষ্টি আলোকের ধাম ।

যে শুনেছে নিজ কর্ণে বিধাতার ডাক,
 পথি নিদ্রা, মিছা খেলা সম্ভবে কি তার ?
 সে কি বলে, অন্ধগুলা পথে পড়ে থাক ?
 সুপ্ত জনে না জাগায় সে কি আগে যায় ?
 প্রত্যেক অঙ্গুলি দিয়া, প্রতি অঙ্গ তার
 বিতরিয়া সাথীদেরে, চলে ধীরে ধীরে ;
 কত বার পিছে চাহে, থামে কত বার,
 লয়ে যায় সহস্রেরে আলোকের তীরে ।
 শুনি দেবতার তুরী যারা আগে যায়,
 অপরের চালাবার তাহাদেরি ভার—
 পথের কণ্টক দলি' দিব্য পাছুকাষ,
 অঙ্গুলি পরশে করি জীর্ণের সংস্কার ।”

সে কি ?

“প্রণয় ?”

“ছি !”

“ভালবাসা—প্রেম ?”

“তাও নয় ।”

“সে কি তবে?”

“দিও নাম দিই পরিচয়—

আসক্তিবিশীন শুদ্ধ বন অনুরাগ,
 আনন্দ সে, নাহি তাহে পৃথিবীর দাগ ;
 আছে গভীরতা তার উদ্বেল উচ্ছ্বাস,
 ছ’ধারে সংঘম-বেলা উর্দ্ধে নীলাকাশ,
 উজ্জ্বল কোমুদীতলে অনাবৃত প্রাণ,
 বিশ্ব প্রতিবিশ্ব কার প্রাণে অধিষ্ঠান ;
 ধরার মাঝারে থাকি ধরা ভুলে যাওয়া,
 উন্নত-কামনা-ভরে উর্দ্ধ দিকে চাওয়া ;
 পবিত্র পরশে যার, মলিন হৃদয়
 আপনাতে প্রতিষ্ঠিত করে দেবালয়,
 ভক্তি-বিহ্বল, প্রিয় দেব-প্রতিমারে
 প্রণমিয়া দূরে রহে, নারে ছুঁইবারে ;
 আলোকের আলিঙ্গনে, আঁধারের মত,
 বাসনা হারিয়ে যায়, দুঃখ পরাহত ;
 জীবন কবিতা—গীতি, নহে আর্তনাদ,
 চঞ্চল নিরাশা, আশা, হর্ষ, অবসাদ ।
 আপনারে বিকাইয়া আপনাতে বাস,
 আত্মার বিস্তার ছিঁড়ি’ ধরণীর পাশ ।

হৃদয় মাধুরী সেই পুণ্য-তেজোময়,
সে কি তোমাদের প্রেম ?—কখনই নয় ।
শত মুখে উচ্চারিত, কত অর্থ যার,
সে নাম দিওনা এরে, মিনতি আমার।”

কৃষ্ণকুমারীর পরিণয় ।

কি বলিলে, দেবী, পিতৃ সিংহাসন,
কুলের মর্যাদা, স্বদেশ, স্বজন
কৃষ্ণার জীবনে যায় ?

আমার মরণে বাঁচে উদিপুর,
অশান্তি বিগ্রহ লজ্জা যায় দূর ?—
কে তবে বাঁচিতে চায় ?

কাঁদিবেন মাতা, ভাবি শুধু তাই
ঝরেছে নয়ন ; আগে বল নাই
কেন কৃষ্ণা, মাতৃপ্রাণ,
জননীর ক্রোড়, মুখের স্বপন,
নারীকুল মাঝে এক-সিংহাসন
কৃতান্তে করিবে দান ।

এবে জীবনেতে সাধ নাহি আর,

সুখশঃ জীবন রাজ-তনয়ার ;

অমোদ বিলাস নয়—

পুতল ক্রীড়ায়, প্রেমের স্বপনে,

মান মৃত্যু ছই সদা জাগে মনে,

মরণে কি তার ভয় ?

দেশের কল্যাণে এ জীবন চলে,

যাই তবে এই শেষ খেলা খেলে’—

বিন্দুমাত্র নাহি আর ।

আরও আছে ? দাও । জননীর পায়

কেন নাহি দিলে লইতে বিদায়,

প্রবোধিও হিয়া তাঁর ;

ব’ল শান্তি সুখ উদিপুর ধামে

রবে যত দিন কিসেণের নামে

না ফেলিতে অশ্রুধার ।

আরও দিবে ? দাও । এই পরিণয়
বিধাতার লেখা । পাইতাম ভয়
উদ্ধাহের গুনি নাম ।

হেন পরিণয় কে ভেবেছে হবে ?
হেন পতি-গেহ কে পেয়েছে কবে,—
সুন্দর স্বরগ-ধাম ?

বেশী কিছু নয় ।

তোমারে বলিব ভেবেছিগু,
বাধা আসি দিত অভিমান :
পুরুষের দহিলে হৃদয়,
চাহেনা সে জুড়াবার স্থান !

কোমল পরাণ তোমাদের.
রেখা পড়ে ঈষৎ ব্যাথায় :
আমাদের বসেনাকো দাগ,
বুঝি বসি বলে ভেঙ্গে যায় ।

তোমাদের কাছে অশ্রুজল,
 ধুয়ে লয় কৃত অপরাধ ;
 আমাদের কঠিন নয়নে
 ঢাকা থাকে ঘন অবসাদ।

অশান্তির মহাবঙ্গা মাঝে
 করি মোরা শান্তি অভিনয় ;
 জীবনে ও মিথ্যা আচরণে
 শেষে আর ভেদ নাহি রয়।

আমিতো ভুলেছি আপনারে,
 ভুলে গেছি কি যে আছিলাম ;
 আমিতো এ অলস শয্যায়
 লভিয়াছি চিত্তের আরাম—

লভি নাই ?—কেমনে জানিলে ?
 এক দিন—দিন চলে যায়—
 মস্তকে আহত সর্প সম
 লুটায়ছি তীব্র যন্ত্রণায়।

সে দিন কোথায় চলে' গেছে।
কথা নাকি তুলিয়াছ আজ,—
বিস্মৃত স্বপন মনে পড়ি
উদ্বিগ্নে বিষাদে ভরা লাজ।

বলি তবে ;—বেশী কিছু নয়—
জেগেছিল যৌবন উষায়,
(অমন সবারি জেগে থাকে)
সুপ্ত আত্মা শত কামনার।

আত্মা যবে জেগে উঠে কভু,
রক্ত মাংস হয় বিস্মরণ,
জগৎ সে ভাবে আত্মময়,
আকাজ্জার চিন্তে না মরণ।

হুই পদ হ'তে অগ্রসর,
পায়ের লানে পাষাণের বাধা,
একটি কামনা নাহি পূরে,
বাকী যার থাকেনাকো আধা।

এ নহেতো কামনার দেশ,
 রক্তভূমি শুধু কল্পনার,
 আত্মায় আত্মায় হাসি খেলা
 থাকে হেথা কত দিন আর

দারিদ্র্য দুর্গতি আসে কত,
 স্নেহ-ঋণ অত্যাচার ময় ;
 কোন্ পথে যেতে চাহে মন,
 ঘটনারা কোন পথে লয় ।

জীবনের বসন্ত উষায়
 দেখিছিলুম ছবি একখানি—
 ধরাতলে শান্তি মূর্তিমতী,
 জ্যোতির্ময়ী দেবী বিণাপানি

'সরলতা পবিত্রতা মিশি
 দিয়াছিল 'তার ভূষাবেশ
 প্রতি দৃষ্টি আনিত বহিরা
 দূরতর স্বর্গের সন্দেশ..।

দূর হতে দেখিতাম যবে,
 দূরস্থ না ভাবিতাম তার ;
 মনে হ'ত কি যেন বাঁধন—
 নিকটতা আত্মার আত্মার।

কথা বেশী শুনি নাই তার,
 জীবন্ত সে নীরব মাধুরী,
 নিকটেতে যে এসেছে কভু,
 দিত তারে জীবনেতে পুরি ;

কথা তারে কহি নাই বেশী,
 কাছ দিয়া যেত যবে চলি,
 শ্রদ্ধা প্রীতি নীরবতা-রূপে
 চরণে ঝরিত পুষ্পাঞ্জলি।

ঘটনার বিচিত্র বিধান,
 কোথা হ'তে কোথা নিরা যায় ;
 নিকটের বিমল বাতাস
 পরশিল মলিন হিয়ায়।

সে মলয়-সমীর-পরশে
 বিকশিত হৃদি ফুলবন,
 বেড়ে গেল দৃষ্টির বিস্তার,
 নিরখিনু জগৎ নূতন ।

সত্যের মূর্তি সমুজ্জ্বল
 নিরখিনু ; ছরাচার কেহ,
 দেখেছিল কমলে কামিনী,
 পরশিয়া শ্রীমন্তের দেহ ।

বাড়ে নিত্য হ্রস্বতীর ঘণা,
 পুণ্যে প্রীতি বাড়ে প্রতিদিন ;
 জীবনের খুজিলাম কাজ,—
 এতদিন ছিনু লক্ষ্যহীন ।

কিবা হয় লিখিলে কহিলে ;
 খাটে হাত হাতে কাজ দেখে,
 হিয়া দেখি হিয়া বড় হয়,
 মিছা লাজ মিছা সাজ রেখে ।

সত্যের হইব অনুচর ;
হৃষ্টি, অনৈক্য, অত্যাচার,
মিছা মান, মিছা অপমান
দেখিব না, রাখিব না আর ।

হরবলে পিমিছে সবল,
পূজা লয় প্রকৃতি-চণ্ডাল,
ব্রহ্মচর্য্য নামের আড়ালে
নাশে কত ইহ পরকাল ।

পীড়িতের ঘুচাইব ভার,
প্রতিষ্ঠিব গায়-সিংহাসন,
পতিতের করিতে উদ্ধার
উৎসর্গ করিব তমু মন ।

তাজিলাম হনুঁতি প্রাচীন,
গেল ত্যজি স্বজনেরা যত ;
পিছুপানে না করি ক্রক্ষেপ
চলিলাম নদীশ্রোকঃ মত ।

মাটি বলে পায়ে দলে এমু,
 সংসারে যাহারে বলে ধন,
 কাজে গিয়া ঠেকিমু, দেখিমু
 সে মাটির আছে প্রয়োজন ।

অনাথ অনাথাগণ শুধু
 চাহেনাতো স্নেহের আশ্রয়,
 ধন চাহি লাভ চাকিবারে,
 জ্ঞান রত্ন করিতে সক্ষম ।

বাড়ে শ্রম, টুটে দেহবল,
 প্লানের উপরে বাড়ে প্লগ,
 অবশেষে—অবশেষে এল
 জীবনের অন্ধকার দিন ।

সমাজের শুভ চাহে যারা,
 সমাজ না তাহাদেরে চায় ;
 পরহেতু সববস্তু দিয়া,
 উপেক্ষা লাঞ্ছনা তারা পায় ।

বর্ষ বর্ষ বিশ্বাস করিছু,
দেখি কেহ বিশ্বাসেনা হার !
বাহাদেরে হৃদয়ে ধরিছু,
দেখি তারা পারে ঠেলে যায় ।

কারাগারে চলিতেছি যবে,
সহোদর ধূলি-মুষ্টি দিয়া—
খুলে দিয়া হাতের বন্ধন,
এ জীবন নিলেন কিনিয়া ।

ভ্রাতার সে সম্মেহ ব্যভার,
নিরন্তর মাতৃ-অশ্রুজল,
ভাসাইতে চলিল পশ্চাতে,
মতি গতি করিল চঞ্চল ।

শিথিলিত ষ্টংসাহ আমার,
মুছিলনা তবু ছবিখানি ;
তার ছায়া অংশ জীবনের,
বেদ মম সে মুখের বাণী ।

সে মুখের আধখানি কথা
 শ্রান্ত প্রাণে দিত নব বল
 সে আত্মার অগ্নিদয় বলে
 টুটে যেত মায়ার শিকল ।

সে রসনা রহিল নীরব,
 সে দেবতা বাড়াল না হাত,
 উর্দ্ধবাহু মগ্ন প্রায় জনে
 ভুলে না করিল দৃকপাত ।

নিশ্চেষ্ট নীরব পড়ে আছি,
 পিতৃগৃহে তাহে উৎসব ;
 দল ছাড়ি গেছে সেনা এক,
 এ দিকে উঠিল জনরব ।

বন্ধু কেহ সুখালনা আসি,
 দুর্বলতা বুঝিল সময়
 আপনার—যারা আপনার
 এক রক্তে, আর কেহ নর ।

কাব্য-গত নায়িকার মত,
সে আমার কল্পনার দেবী,
কে জানে সে চাহে কিনা পূজা,
দূর হ'তে চিরদিন সেবি ;

তার সাথে কামনার যোগ,
চিন্তাগত কুমুমের পাশ—
এষে মাংস-রুধিরের টান,
সত্য স্নেহ, নিত্য সহবাস।

ভাবনা জাগাত কতরূপ
স্নেহমাথা জননীর স্বর ;
সে আমার উদ্দীপ্ত শিখায়
আহুতি দিতেন সহোদর।

“অধীনতা—যেথা ছোট বড়,
যেথায় সমাজ—অত্যাচার ;
এ সংসার আপনি এগোবে,
আগু পাছু থাকে যদি তার।

“আমাদের মিছা এ সংগ্রাম,
 পুরাণে নূতনে ছাড়াছাড়ি,-
 পিতা পুত্রে সৃষ্টিয়া বিচ্ছেদ,
 বিশ্ব-প্রেম মিছা বাড়াবাড়ি

“কি অশুভ, শুভ, মাতি জানি,
 পুণ্যাপুণ্য বিধির বিধান ;
 যে দিকের বেশী সেনা-বল,
 সে দিকে স্বয়ং ভগবান ।

“অশুভ সে অক্ষয় অমর,
 কেন মিছা যুঝ তার সাথ,
 তার সাথে করিতে সমর,
 স্বজনে করিছ অস্ত্রাঘাত ?

“কোথা কে অনাথ কাঁদে বলে,
 ফেলে গেলে আপনার জন ;
 মায়েরে ভাসালে নেত্র-জলে
 কার অশ্রু করিতে মোচন ?”

জীবনের চারিধারে, বোন,
বাধা আছে অদৃশ্য শৃঙ্খল;
তুই পদ হ'তে অগ্রসর
আছাড়িয়া পড়ে ছরবল।

সংসারী হইব তবে,
সংসারে কিনিব মান যশ,
ভাবুকতা দূর করি,
সুখ শান্তি করিব স্ববশ।

ভাবিলে ভাবনা আসে;
সদসং নিখতির মাপে
সদাই মাপিতে গেলে,
এ জীবন ফুরাবে বিলাপে।

ছেদিয়া সবল পক্ষ, ভুলাইয়া নীলাকাশ,
ম্লিন ধূলির মাঝে নিক্ষেপিলু অভিলাষ।

স্বজনের সাধ পূরাইতে
শিশু পত্নী উজলিল স্বর,—
এ জগতে কে শুনেছে কবে,
আত্মায় আত্মায় স্বয়ম্বর ?

কোন মতে দিন চলে যায়,
 উপার্জন অশন শয়ন,
 কাজ এবে। অন্ধকার দেখি,
 মুদেখা কি মানস-নয়ন ।

সহসা স্বপন মাঝে কভু
 মনে পড়ে মুখ সমুজ্জল,
 পরিচিত গ্রন্থের পাতায়
 ঢালিতেছে নয়নের জল ।

অধ্যয়ন সমাপ্ত আমার ;—
 দর্শন অন্ধের অনুমান,
 শাস্ত্র কি যে বুদ্ধিত চাৰ্কা ক,
 কবিতাতো স্বপন সমান ।

সংসারী হইনু, লয়ে
 ষোল আনা সংসারের জ্ঞান,
 অশান্তিতে ঘুচিল না,
 না পাইনু সুখের সন্ধান ।

কার লাগি করি উপার্জন ?

এত অর্থ নহিলে কি নয় ?

আলস্যের উদর পূরাতে

সময় শক্তির অপচয় !

অলঙ্কারে সহধর্মিণীয়ে—

কি বিদ্রূপ জানে অভিধান !—

অলঙ্কারে গৃহিণীয়ে মোর

ঢাকিয়াছি, নাহি আর স্থান

দেহ ভরা স্বর্ণমুকুতায়,

শূন্য মন,—তার দোষ নাই ;

খেলাইতে খেলনা কিনেছি,

আমি আর বেশী কেন চাই ?

সে তো কিছু বেশী নাহি চায়,—

বেশীর কি আছে তার জ্ঞান ?

সে কি জানে এ জীবন মোর

যৌবনের প্রেমের শ্মশান ?

সে কি জানে কি প্রেম-ভাঙার

পুরুষের বিশাল হৃদয় ?

সে কি জানে নিজ অধিকার

কি বিস্তৃত কি শক্তিময় ?

বুঝালে কি বুঝিবে আমার

অতীত সময় পরাজয় ?—

এ আমার বিলাস-সাধন,

আত্মার সঙ্গিনী এতো নয় ।

এক দিন বেলা শেষে এই সরোবর-কূলে,
বসে' আছি নিরুদ্বেগ, সহসা হৃদয়-মূলে
কেমন পড়িল টান । সরসীর স্থির জলে
তীর-তরু-ছায়া-সম, আমার হৃদয়-তলে
জাগিল সুন্দর ছায়া, পরিচিত, অচঞ্চল,
উজ্জ্বল আনন শান্ত, নাহি হাসি অশ্রুজল ।
স্থির-দৃষ্টি চেয়ে আছে, বিশাল নয়ন দিয়া
নীরবে হেরিছে যেন আমার পঙ্কিল হিয়া ।
সদাই ভুলিতে চাহি—ভুলিয়াছি ; ফের কেন,
শান্ত ছায়া, স্থির দৃষ্টি, আমারে বাঁধিছে হেন ?
প্রেমহীন, শাস্তিহীন, সুখলুকু যেথা চাই,
হেরি সে মধুর কান্তি, হাসি নাই, অশ্রু নাই ।

তিষ্ঠিতে নারিনু আর, যুগ্ম ক্ষিপ্ত এ হৃদয়,
 প্রেমহীন, শান্তিহীন নিরাশ-পিপাসাময়,
 কোথা নিয়ে গেল মোরে । আসিনু উদ্দেশে যার
 কোথায় সে ? ম্লান গৃহ, নিরানন্দ পরিবার । .

কেহ কিছু কহিল না ;

আমি যেন কেহ সে গৃহের
 সকালে গেছিনু চলে',
 সন্ধ্যাশেষে আসিয়াছি ফের,

যুরি যুরি রোদ্রতাপে,
 সহি দুঃখ ক্লেশ উপবাস ।
 করুণা সবারি মুখে,
 ছিল যেথা আদর সম্ভাষ ।

এতবর্ষ গেছে চলে'—কল্পনা স্বপন সে কি ?
 সেও কি গিয়াছে দূরে ? ক্ষণ পরে ফিরিবে কি ?
 সে হাতের রেখাঙ্কিত যতনের গ্রন্থগুলি
 হেথায় হোথায় পড়ে', কেহ নাহি পড়ে তুলি ।
 ছবি পড়ে' আধা অঁকা, তন্ত্রিগুলি নাহি বাজে.
 গৃহের জীবন সেই ব্যস্ত কোথা কোন কাজে ?—
 কারে জিজ্ঞাসিনু যেন ; নীরব ধিক্কার রাশি
 সকলের অঁগি দিয়া আমারে ষিরিল আসি ।

সহসা ছুটিল ঘুম, দ্বিগুণিতে হুঃখ ভার,
কোন মস্ত্রে খুলে গেল অর্গলিত শত দ্বার ।
অন্ধকার গৃহে মোর কত দৃষ্টি কত কাজ
অচেনা সঞ্চিত ছিল, আলোকে চিনিই আজ ।

সে প্রাণের কত ভাব আমাতে খুঁজিত ভাষা,
আমাতে খুঁজিত সিদ্ধি সে প্রাণের কত আশা ;
দিব্যদৃষ্টি, চাহিত সে, সবল চরণ মম ;
আশ্রয় খুঁজিত অগ্নি আমাতে ইন্ধন মম !
চিন্তা, দৃষ্টি, আশা, আর অসীম আকাঙ্ক্ষা হয়ে,
সে মোরে দেখাবে পথ, আমি তারে যাব লয়ে !

মৃদুল-ললিত-লতা, ভগন প্রাচীর বাহিঁ,
ঢাকি তার জীর্ণ দেহ উঠিছে আকাশ চাহিঁ,
সে শোভা ক'দিন থাকে ? দুদিনের বর্ষবাত,
অসার নির্ভর সেই সহসা ধরণীসাৎ ;
তার পতনের ভারে গেছে প্রাণ লতিকার—
এইতো আমার কথা—বেশী কিছু নাহি আর ।

মহাশ্বেতা

শ্রী

* * *

করকমলেশু

সাহিত্যের সুন্দর কানডে

এক সাথে দৌহে,

গন্ধর্ববালিকা নেহারিয়া

মুগ্ধ তার মোহে ।

তুমি আমি দূরে দূরে আজ,

সতীর্থ আমার,

এক সাথে সে কাননে মোরা

পশিব না আর ।

একলাটি বসে থাকি যবে

অধেক নিদ্রায়,

অচ্ছোদের তরুণ তাপসী

দেখা দিয়া যায় ।

হেরি তার সজল নয়ান,

শুনি যুহু কথা,

বুঝি তার প্রণয় গভীর,

নিদারুণ ব্যথা ।

শুনিয়াছ যে গীতলহরী

আর একবার

শুনিবে কি,—লাগিবে কি ভাল

ক্ষীণতর প্রতিধ্বনি তার ?

২৯ শে জুন, ১৮৮৬

মহাশ্বেতা ।

মৃৎ বাষ্পাকুল কণ্ঠে, সজল নয়নে,
 চন্দ্রাপীড় অভিলাষ করিতে পূরণ,
 কহে গন্ধর্কের বালা, রোধি শোকোচ্ছ্বাস
 থামি থামি, থামে যথা বাদক-অঙ্গুলি
 ছিন্নতন্ত্র বীণা মাঝে যুজিবারে তার ।

বালিকা আছিলু আমি—হৃদয় আমার
 কলিকা প্রস্ফুট পুষ্প এ হৃয়ের মাঝে,
 এক রতি আলো কিম্বা ঈষৎ সমীরে,
 আজ কিবা কাল যেই উটিবে ফুটিয়া,
 হেন কুসুমের মত,—লালিত যতনে ।

এক দিন সখী লয়ে জননীর সাথে,
 অচ্ছাদের স্বচ্ছ জলে করিবারে স্নান,
 চলিলাম গৃহ হ'তে । করি স্নান শেষ
 জননী মগনা যবে শিব-আরাধনে,
 সরসীর তীরে বসি রহিনু দেখিতে
 তীর-উপবন-ছায়া, তরুণ রবির
 উজ্জল-মধুর-কর-বিস্তিত-সলিলে ।
 বসে আছি সরসীরে, মৃৎ সমীরণে

ধীরে ধীরে ঝরিতেছে বকুলের ফুল,
 নহে অতিদূরে এক হরিণের বাল্য
 নির্ভয়ে করিছে খেলা জননীর পাশে ;—
 হেন কালে কোথা হতে হরিণ বালক,
 তৃষিত, সলিল আশে, কিবা পথ ভুলি,
 দেখা দিল ; নেহারিতে হরিণীর খেলা
 ধমকি দাঁড়াল সেথা ; তরল বিশাল
 চারিটি মধুর অঁাখি রহিল নিশ্চল ।
 সহসা হরিণী-মাতা কর্ণ উত্তোলিয়া,
 ত্রাসে যেন, প্রবেশিল ঘন বনমাঝে ;
 শিশু তার ধীরপদে, যেন অনিচ্ছায়,
 আপনারে লয়ে গেল জননীর পাছে ;
 অপর তৃষিত নেত্র, আপনা বিশ্বৃত,
 নিম্পন্দ রহিল তথা—কোথা হতে, আহা !
 অদৃষ্ট করের শর বিঁধিল তাহায় ।
 পড়িল বরাক ;—আমি উঠিছু কাঁদিয়া,
 সখীরে লইয়া গেলু মৃগশিশু-পাশে,
 করিছু সলিল সেক, তুলিলাম শর,
 কোলে লয়ে দেহে তার বুলাইলু হাত ।
 বাঁচিল না মৃগ । শেষে গেলাম খুঁজিতে
 কুর ব্যাধে ।

দুই পদ হ'তে অগ্রসর,
 কি এক সৌরভে পূর্ণ হ'ল দিক্ দশ ।
 চাহিলাম চারিভিতে ; দক্ষিণে আমার
 দেখিলাম দুটি দিব্য ঋষির কুমার,
 শুভ্রবেশ, আর্দ্র কেশ, অক্ষমালা হাতে ।
 যে জন তরুণতর, কর্ণোপরি তার
 অপূর্ব কুমুম এক, সৌরভে শোভার
 অতুলন, দেখিনাই জীবনে তেমন ।
 এক দৃষ্টে চেয়ে আছি কুমুমের পানে,
 কিম্বা সে কুমুমধারি লাবণ্যের ভূমি
 মুখপানে, এক দৃষ্টে, আপনা বিস্মৃত—
 কতক্ষণ ছিনু হেন না পারি বলিতে—
 সহসা স্বপনোথিত শুনিমু শ্রবণে
 মৃদুবাণী, নিশীথের বেণু বিনিন্দিত—
 “অগ্নি বালে, পারিজাত ইচ্ছিত তোমার ?”
 “পারিজাত ? স্বরগের পারিজাত এই ?
 তাই হবে, দেখি নাই জনমে এমন—”
 অর্ধেক স্বপনে যেন উচ্চারিনু ধীরে ।
 “এই পারিজাত, দেবি, শোভা পাবে অতি
 তব কর্ণে ; সুদর্শনে, লহ অনুগ্রহে ।”
 এত বলি উত্তোলিয়া স্মভূজ মৃগাল,

উন্মোচিয়া কৰ্ণ হতে নন্দন কুসুম,
 ধরিলা সন্মুখে মম । আমি মুগ্ধ অতি
 স্মৃষ্টাম সুন্দর সেই দেবমূৰ্ত্তি পানে
 বিস্মিত রয়েছি চেয়ে, কুমার আপনি
 আগুসারি কর্ণে মম দিলা পরাইয়া
 সেই ফুল অতি ধীরে ; একটী অঙ্গুলি,
 কম্পমান, পরশিল কপোল আমার,
 নেত্রদ্বয় স্বপ্নময় রহিল চাহিয়া
 মম মুখ, বাম হস্তে ছিল অক্ষমালা,
 গলিয়া পড়িল ধীরে মম পাদ মূলে ।

“পুণ্ডরীক !” শরতের মৃদু বজ্রধ্বনি
 ধ্বনিল শ্রবনে, দৌঁছে তুলিছু নয়ন ।
 “বাই, সখে ।”—একবার তৃষিত সে অঁাধি
 মিলিল অঁাধিতে পুনঃ, নমানু আনন
 লাজ ভয়ে ; পদ প্রান্তে দেখি অক্ষমালা,
 তুলিছু, পরিচু গলে । ডাকিল সঙ্গিনী,
 চলিলাম তার সাথে কম্পিত চরণে ;
 কাঁপিতে লাগিল হিয়া স্মুখে, হৃথে, ভয়ে ।

শুনিচু পশ্চাতে, সেই ধীরমতি যুবা
 করিছেন তিরস্কার ; থামিলাম যবে

উত্তরে শুনিব মূহু—“কিছু নয়, সখে,
 বৃথা অভিযোগ তব । চপল বালিকা
 ক্রীড়নক ভ্রমে মালা নিয়াছ আমার,
 ফিরিয়া লইব হের,—“অগ্নি চাপলিনি,
 দেহ মম অক্ষমালা ।”—তার পর ধীরে—
 “পারিজাত শোভা পায় চারু অংসোপরি ;
 সাজে কি এ অক্ষমালা, মুনিজনোচিত,
 সুকুমারী কুমারীর সুকোমল দেহে ?”

খুলিলাম ধীরে ধীরে কণ্ঠের মালিকা ;
 মুহূর্ত্ত বিলম্ব করি, দুটি কথা শুনি,
 সাধ মনে ;—কিন্তু যবে হেরিবি সন্মুখে
 তেজস্বী তরুণ ঋষি স্ফারিত লোচনে
 নেহারিছে উভয়েরে, ভয়ে মৃত প্রায়
 ফিরাইয়া দিবি মালা, বারেক চাহিয়া,
 দ্রুতপদে ফিরিলাম সঙ্গিনীর সাথে ।
 লজ্জায় রক্তিম মুখ, ছল ছল অঁাধি,
 একখানি ছবি হৃদে রহিল অঙ্কিত ।

ফিরিলাম গৃহে । এক নূতন বিষাদ
 স্মৃথের জীবন মম করিল অঁাধার ।

জননী বিশ্বয় নেত্রে চাহি মুখ পানে
 জিজ্ঞাসিলা—“কি হয়েছে বাছারে আমার ?
 নারিনু কহিতে কিছু, বরষিল আঁখি
 অবিরল অশ্রুধার । জননীর কোলে
 নীরবে লুকায়ে মুখ রহিনু কাঁদিতে ।
 সহচরী তরলিকা কহে জননীয়ে—
 “অচ্ছাদের তীরে আজ ভর্তৃকণ্ঠা মম
 দেখেছেন মৃগশিশু সুন্দর সবল
 অলক্ষ্য ব্যাধের শরে বিদ্ধ নিপাতিত।”

জননী স্নেহে মুখ করিলা চুম্বন,
 সজল নয়নে চাহি ভবিষ্যরপানে
 কহিলা অক্ষুট রবে, “দেব উমাপতি,
 কুমুম-পেলব হিয়া সহজে শুকায়,
 জগতের যত দুঃখ ইহাদের তরে ;
 রহে একাধারে করুণা প্রণয়, দুঃখ ।
 স্নেহ দয়া মধু দিয়া গঠিয়াছ যারে
 রেখ’ সে কুমুমে মম চির অনাহত।”

শৈশবে সহসা যেন যুগ-ব্যবহিত,
 কল্যাকার ধূলাখেলা হয়েছে স্বপন ;

ভাসিছে নয়নে এক দৃশ্য অভিনব—
 সরোবর, তীরবন, দুঃখী মৃগশিশু,
 সুর-কুম্বের বাস, নয়ন-মোহন
 শোভা তার, ততোধিক পবিত্র উজ্জল
 ঋষি তনয়ের মুখ, অপার্থিব স্বর,
 স্বপ্নময় অঁাখি, মৃদু কম্পিত অঙ্গুলি,
 ভূশায়িনী অক্ষমালা, মুহূর্তের তরে
 স্পর্শে যার খেত কণ্ঠ পবিত্র আমার ।
 চিন্তার আবেশে কণ্ঠে উঠাইনু কর —

একি এ ? দেবতা কোন জানি অভিলাষ
 আনি দিলা কণ্ঠে পুনঃ অভীষ্ট ভূষণ—
 বিস্মিতা চাহিনু পাশ্বে তরলিকা পানে,
 বুঝি মনোভাব সখী কহে মৃদুরবে—
 “পুণ্ডরীক-সহচর নেহারি সন্মুখে,
 অতি ত্রাসে আপনার একাবলী হার
 দিয়াছ, রয়েছে গলে অক্ষমালা তাঁর ।”
 কতবার শতবার চুঞ্চিলাম তার,
 মণি মুকুতার মালা কিছু না সুন্দর,
 কিছু প্রিয়তর মম রহিল না আর ।

নীরবে নিরখি মোরে, ভাবি কিছুক্ষণ,
 অগ্রসরি তরলিকা কহিল আবার—
 “শুন দেবি, অমুপম, তাপস তরুণ
 দিয়াছেন পরিচয় ; জান দেবি, তাঁয়
 দেব-ঋষি মহাতপা শ্বেতকেতু-সুত
 মানবী-সম্ভব নহে, লক্ষ্মীর নন্দন ।”

রবি অস্ত যায় যায়, হৃদয়ে আমার
 শত তরঙ্গের ক্রীড়া ঝামিতেছে ধীরে ;
 আলু থালু শত চিন্তা ভাঙ্গিয়া ছিঁড়িয়া
 একটি মধুর স্পষ্ট জীবন্ত স্বপন
 খেলাইছে শান্ত চিতে, একটা সঙ্গীত,
 মৃদুতম,—অতি দূর গ্রামান্তর হতে
 নিশীথে ভাসিয়া আসে যেমন লহরী,
 কাঁপায়ে শ্রোতার সুপ্ত হৃদয়ের তার,—
 এহেন সময়ে কহে আসি প্রতিহারী,
 “তাপস কুমার এক মূর্ত্ত ব্রহ্মতেজঃ,
 অচ্ছাদে পাইয়া তব একাবলী হার
 আনিয়াছে প্রদানিতে, যাচে দরশন ।”
 সেইক্ষণে চিন্তাকুলা জননী আমার,
 অসুস্থ্যা শুনিয়া মোরে আইলা সেথায়,
 লাজে ভয়ে না দেখিলু ধীর কপিঞ্জলে ।

শুনিলাম সন্ধ্যা-শেষে তরলিকা-মুখে
 পুণ্ডরীক প্রাণমন সঁপিয়াছে মোরে,
 হৃদয়ের বিনিময়ে না পেলে হৃদয়,
 বাঁচিবে না পুণ্ডরীক তাপস তরুণ ।
 স্মৃথে দুঃখ যুগপৎ কাঁদিল নয়ন ;
 জীবনে আমার যেন নবযুগ এক
 আরম্ভিল সেইক্ষণে ; সেই দিন যেন
 সহসা জীবন কলি উঠিল বিকসি ।
 অনভ্যস্ত রবিকর, শিশির সমীর,
 হৃদয়ে নূতন ব্যথা, আনন্দ নূতন ।

শুক্লা সপ্তমীর চাঁদ মেঘান্তর ছাড়ি
 সহসা উঠিল হাসি, তার দিকে চেরে
 যুক্ত-করে কহিলাম—“সাক্ষী তুমি পিতঃ,
 শশাঙ্ক রোহিণীপতি, আজি এ হৃদয়
 সঁপিতেছে পুণ্ডরীকে তনয়া তোমার ;
 স্মৃথে, দুঃখে, গৃহে, বনে, যৌবনে, জরায়,
 আমি তাঁর আমি তাঁর জীবনে মরণে ।”

স্বপনে কাটিত দিবা, আয়ামি-ধামিনী,
 স্মদীর্ঘ স্বপন এক মধুর অথচ

নহে অলসতাময় । নিতি নিতি আমি
 আহরি পূজার পুষ্প অন্তঃপুরোদ্যানে,
 সন্মার্জ্জনী লয়ে নিত্য দেবালয়গুলি
 মার্জ্জিতাম নিজ হস্তে ; সুরভি প্রদীপ
 সন্ধ্যাগমে সাজা'তাম জালি, থরে থরে ;
 সেচিতাম বারিধারা তুলসীর মূলে ।

প্রতিক্রমে অনুভব করিতাম মনে,
 উদ্বেলিত হৃদয়ের প্রীতিরশি মম
 হইতেছে উপচিত, সদা প্রসারিত ;
 সকলি লাগিছে ভাল ; সখী দাসীজন,
 মৃগ পক্ষী, উদ্যানের প্রতি তরু লতা,
 প্রিয়তর প্রতিক্রমে ; যে প্রেম-প্রবাহ
 প্রবাহিত বেগভরে পুণ্ডরীক পানে,
 যাইছে সে বিলাইয়া বারি তীরে তীরে ।

কহিত স্বজনগণ চাহি' পরম্পরে—
 “দেখ চেয়ে, মহাশ্বেতা কোমুদী-বরণা
 শশী-সম প্রতিদিন লাবণ্যের কলা
 লভিতেছে নব নব ।”—জননী আমার
 সন্নেহ তরল নেত্রে থাকিতেন চাহি'
 মুখপানে ।

ভাবিতাম, পুণ্ডরীক মম

শুভ্র-অরবিন্দ-সম শোভন, বিমল ;

হইব কি আমি কভু উপযুক্ত তাঁর ?

কেন হয়েছিল রূপ ? কি কাজে লাগিল ?

তপস্শায় দগ্ধপ্রায় এই দেহ মম

হোক ভস্মীভূত, তাঁরে দেখি একবার ।

পূর্ণিমার পূর্ণচন্দ্র উদিত গগনে,

হাসে যত দিগ্বধু জলস্থল-সহ ।

সারাদিন ধরি' কেন হৃদয় আমার

প্রপীড়িত ছিল অতি বিষাদের ভারে ;

সখীরা তুষিতে মোরে, বীণা বাজাইয়া

চন্দ্রালোকে গাহে গান শ্বেত-সৌধ-তলে ;

হেনকালে জটাধারী, বকুলবসান,

মলিন-বদন-রুচি, সজল-নয়ন,

দাঁড়াইলা পুরোভাগে ধীর কপিঞ্জল,

কহিলা কাতর স্বরে—“নৃপতি-কুমারি,

পীড়িত সুহৃৎ মম অচ্ছোদের তীরে,

ষাচে দরশন তব ।' তোমার ধ্যাননে

দিন দিন ক্ষীণ তনু, হীন তেজোবল ,

আজি তার দশা দেখি কাঁপিছে হৃদয় ।

অবিলম্বে চল, দেবি, তব দরশনে
 নিশ্চিত নয়নে জ্যোতিঃ, শরীরে জীবন,
 দেখি, যদি ফিরে আসে ; চল স্মৃতিরিতে ।”

ধরি’ তরলিকা-কর আকুল হৃদয়ে
 চলিলাম গৃহ হ’তে । পুরদ্বারে আসি’
 সঙ্গিনী কহিল কাণে, “যাইবে কি, দেবি,
 অজ্ঞাত জনের সহ অজ্ঞাত প্রদেশে,
 নিশাকালে, গুরুজন-অনুমতি বিনা ?
 কেমনে ফিরিবে ? যবে দেখিবে ফিরিতে
 জ্ঞানপদগণ, দেখি’ কি কহিবে সবে ?
 হংসের হৃহিতা তুমি, উচিত কি তব
 উল্লঙ্ঘন রীতি নীতি ? যাইবে কি আজ ?”
 মুহূর্ত্ত থামিছু আমি, কহিলা তাপস—
 “অনভ্যস্ত পাদচার, এস ধীরে ধীরে ;
 আগি আগে, যাই, সখা একাকী আমার ।’
 বলিতে বলিতে কোথা হ’ল অস্তর্হিত,
 সংশয়-বিমূঢ় আমি রহিছু নিশ্চল ।
 মুহূর্ত্তের মাঝে হৃদয়ে আসিল বল—
 স্বাধীন নির্দোষ চিতে কর্তব্য-সন্দেহে

আসে হেন, রৌদ্রবেগে, করি' উল্লঙ্ঘন
সর্বজন-ক্ষুধা মার্গ, নূতন পন্থায়
লয়ে যায় আপনারে ।

“কি কহিবে সবে !

স্বত্বমুখে প্রিয়তম, কার ভয়ে ভীত ?”—
কহিলাম সঙ্গিনীরে—“কমিবেন পিতা,
নিষ্কলঙ্ক নাম লয়ে নিষ্কলঙ্ক আমি
ফিরিব আলয়ে পুনঃ, কেন ভয়, সখি ?”

আসিনু অচ্ছেদ-তীরে, দেখিনু অদূরে,
কাঁদিছেন কপিঞ্জল হাহাকার রবে,
কোলে করি স্নহদের মৃত শুভ্র তনু ;
চেয়ে চেয়ে চারিদিক হেরিনু অঁধার ।

নয়ন মেলিনু যবে, শূন্যতার মাঝে,
নিরখিনু আপনারে তরলিকা-ক্রোড়ে,
স্থির অচ্ছেদের নীর, স্থির তারারাজি,
উজ্জ্বল চাঁদের আলো, উদাস হৃদয় ।
কহিলাম, “সহচরি, স্বপনে কি আমি ?
এ যে অচ্ছেদের তীর, কোথা প্রিয়তম ?”—
কাঁদিল সঙ্গিনী, মনে পড়িল সকল ।

রোধিলাম নেত্রবারি, প্রিয়তম-সনে
 ত্যজিব সংসার, তবে কাঁদিব কি হেতু ?
 জিজ্ঞাসিনু—“কপিঞ্জল নিয়াছে কোথায়
 আৰ্য্যপুত্র-মৃতদেহ ? চিতায় তাঁহার
 দিব এই কলেবর ।”—

কহে, তরলিকা,

“শশাঙ্ক-ধবল-জ্যোতিঃ পুরুষ মহান্
 শূত্র পথে নিয়া গেছে পুণ্ডরীক-দেহ ;
 কপিঞ্জল অনুপদে গিয়াছে তাঁহার ;
 বিশ্বয়ে বিমুগ্ধ আমি, ভরে অর্দ্ধমৃত ।”

বিমূঢ় উন্নতবৎ হাহাকার করি
 কাঁদিলাম, দিকপাল-দেবগণ-পদে
 যাচিলাম সকাতরে প্রাণেশে আমার ;
 কেহ নাহি দিল দেখা, না সে কপিঞ্জল ।

উদ্দেশে প্রণাম করি পিতৃ-মাতৃ-পদে,
 করিলাম আয়োজন অনুমরণের ;
 মহসা শুনিবু বাণী মধুর গম্ভীর ;—
 “কাস্ত হও, বৎসে, রক্ষ জীবন তোমার ;
 মর দেহী, অমর প্রণয় নিরমল ;

ব্যর্থ না হইবে বিশ্বে প্রেমের পিয়াস ।
 “শুন বৎসে, যারে ভালবাস, তার লাগি
 ভালবাস তার প্রিয় জীবন তোমার ;
 সাধিয়া সমাধি-ব্রত কর নিরমল
 হিয়া তব, পুণ্যবতি । ভালবাস যারে,
 ভাল তারে বাস, সতি বিরহে মিলনে,
 চিরকাল, মরণের এপারে ওপারে ।
 প্রণয়ের পথ ইহ দুঃখ-সমাকুল,
 কঠিন প্রণয়-ব্রত, তপস্যা হুশ্চর ।
 তার পর—বিষদেব প্রেমের আকর—
 প্রণয়ের মনোরথ পূরিবে তোমার ।
 কার সাধ্য করে ভিন্ন প্রণয়িষুগলে ?
 কালের অজেয় প্রেম, প্রেম মৃত্যুঞ্জয় ।”
 ইতি অশরীরি-বাণী বহিল গগনে ;
 চাহিলাম উর্দ্ধ নেত্রে ; দশ দিক্ হতে
 কোমুদীর শ্রোতঃ সনে আসিল ভাসিরা—
 “কালের অজেয় প্রেম, প্রেম মৃত্যুঞ্জয় ।”

বিশ্বসিন্ধু দৈববাণী, মুগ্ধ ইন্দ্রজালে ;
 উন্নত হৃদয়ে আশা কহিল আমার—
 ফিরিবেন প্রিয়তম পুণ্ডরীক মম ।

আর না ফিরিছু গেহে ; এই বনভূমে
 তদবধি করি বাস ব্রহ্মচর্যা লয়ে,
 মৃত-প্রিয়তম-আশে পূজি মহেশ্বরে
 জনক জননী মম কাঁদিছেন পুরে—
 একটি সন্তান আমি ছিনু তাঁহাদের
 কেমনে ফিরিব ঘরে বিধবা কুমারী ?
 দিন, মাস, বর্ষ কত হয়েছে বিলীন
 অতীতের মহাগর্ভে ; নাহি জানি কবে
 হেরিব সে প্রেমময় মূর্তি মধুর—
 মরণের পূর্বতীরে হেরিব কি কভু ?

প্রতি পূর্ণিমায় চাহি' সুধাকর পানে
 স্মরি সেই দৈববাণী । কভু মনে হয়,
 সকলি করনা মম ; প্রার্থিত আমার
 মিলিবে না এ জীবনে ; তেয়গি শরীর
 যাই চলে ; "বাঁচিবারে অতি অভিনাষ
 জানি ওর, বেঁচে তবে থাক তপস্বিনী ।'
 ভাবি এই, কোন দেব ছিলিলা আমার ;
 ছিলি ছরাশা মোরে—যাই চলে যাই ।
 আবার হৃদয় মাঝে বাজে দিব্য স্বরে,
 "কালের অজের প্রেম, প্রেম মৃত্যুঞ্জয় ।"

পুণ্ডরীক

পুণ্ডরীক ।

আনন্দ প্রবাহ বহে গন্ধক নগরে.
 সুখী তংস চিত্ররথ সহ-প্রজাকুল
 যুগ্ম পরিণয় হেরি,-- বাসিন্দ বর্ষণে
 সুখী যথা কৃষকেরা অনাবৃষ্টি-শেষে ।

তৃতীয় বাসরে যবে পূবজনগণ
 হাসিছে খেলিছে রঙ্গে, শ্বেতকেতু-স্মৃত.
 চির নিরজন-প্রিয়, কহিলা সাদরে,
 “চল, প্রিয়ে অচ্ছাদের শ্যাম তীর-বনে
 আশ্রম কুটীরে তব । যাপিব সেখায়
 দিবা দৌহে ; নিরখিব অনাকুল প্রাণে
 হরষের, বিষাদের অশান্তির মম
 প্রাক্তন জনমের মরণের ভূমি,
 পবিত্র প্রেমের তীর্থ রচিত তোমার ।”

ফটিক-বিমল নীরা সুন্দর সরসী—
 রমার বিহার ভূমি, ফুলকমলিনী,
 সৌরভ জড়িত-মৃদু-বায়ু-বিতাড়িত,
 বিহগ-সঙ্কীত-পূর্ণ, শ্যামল কানন
 নেহারিছে জারাপতি অনুরাগ ভরে,
 স্বপনের মত ভাবে অতীতের কথা ।

উভয়ের অঁখি চাহে উভয়ের পানে,
 নেহারিয়া অতীতের প্রতি অভিজ্ঞান ।
 “এই শিলাতলে একা,” কহে মহাশেতা,
 “প্রতি পূর্ণিমায় অক্ষ ঢালিয়াছি আমি”--
 “ওই লতা বনে আমি উন্মত্তের মত
 দ্বিতীয় জনমে এক অপহৃত মণি
 খুঁজিয়াছি বুঝিনাই কি যে খুঁজিয়াছি,—
 তোমারে খুঁজেছি প্রাণ, জন্ম জন্ম ভরি ।
 জন্ম-জন্মান্তর পরে ফিরিছু যে আমি,
 ফিরিছু তোমার, দেবি, তপস্কার ফলে,
 ভুঞ্জি বহু দুঃখ ক্লেশ দুর্গতি অশেষ,
 অশাসিত জীবনের নিয়তি দুর্কার ।
 তুমি ছিলে, তুমি ভালবেসেছিলে বলে’
 শতজন্ম ক্লেশ হ’তে পেয়েছি নিস্তার.
 “প্রিয়তমে, পুণ্যময়ি, রমণীললাম ।”

সম্মেহ তরল কণ্ঠে, দ্রবীভূত অঁখি
 রাখি’ পুণ্ডরীক পানে, কহিলা রমণী,
 “ভুঞ্জিয়াছ যত কষ্ট অভাগীর লাগি.
 প্রিয়তম । মম দোষে ভুঞ্জিয়াছ পুনঃ
 তৃতীয় জনম দুঃখঃ । আকুল হৃদয়ে,
 মাশ্রুনেত্রে, নিশি দিন কল্পনার পটে

অঁকিয়াছি দূরস্থিত জীবন তোমার,
 আশায় বিষাদে বর্ষ গেছে বর্ষ পরে ।
 অতীতের কথা প্রিয় আছে কি গো মনে ?
 অল্পমাত্র শুনিয়াছি কপিঞ্জল-মুখে ।”
 “জীবনের ইতিহাস শুন, দেবি, তবে,
 দেখ, কোন্ কুলাধমে প্রেমামৃত দানে
 অমর করেছ তুমি, প্রেম পুণ্যময়ি।”

বিশাল ক্ষীরোদ সরঃ পদ্মসমাকুল,
 সর্ব ঋতু ভরি লক্ষ্মী নিবসেন যথা,
 সেই সরে এক দিন পদ্মদল-মাঝে,
 তীরে যবে ঋষিগণ নিমগন ধ্যানে,
 সহসা কাঁদিল এক শিশু সদ্যোজাত ।
 বৃদ্ধ দ্বিজ এক জন কহিয়াছে শেষে,
 দেখেছে সে বাহু এক মৃগাল নিন্দিত,
 অশ্রুট-কমল-সম্পর্কর সুকুমার,
 রাখি' শিশু ফুল-সিত-অরবিন্দ-দলে,
 লুকাইতে সরোজলে পলকের মাঝে ।

শিশুর কাতর রবে পূর্ণ পদ্মবন ;
 ধ্যানমগ্ন ঋষিগণ সমাধি-বিহ্বল,
 কেহ না শুনিলে কার্ণে ; ইন্দ্রিয় সকল
 ছাড়ি' নিজ অধিকার, প্রভুর আজ্ঞার
 মিলিয়াছে অন্তর্দেশে ।

একা শ্বেতকেতু

সহসা মেলিলে অঁথি, অতি ক্ষুধা চিতে ।
 তপোধন ঋষিগণ, মূর্ত্ত ব্রহ্মতেজঃ,
 তপোভঙ্গে মেলি' অঁথি নয়ন-শিখার
 করেন অঙ্গার-শেষ ধ্যান-বিঘাতকে ।
 দয়ার আধার দেব-ঋষি শ্বেতকেতু,
 অনুক্ষণ আদ্রীভূত স্নেহল নয়ন,
 প্রশান্ত আননে তপঃ-প্রভা সুমধুর,—
 শারদ আকাশে যথা পূর্ণ সুধাকর,—
 মেলি অঁথি, দেখিলেন শ্বেত শতদলে
 অসহায় ক্ষুদ্র শিশু কঁাদে ক্ষীণরবে ।
 “কার চেষ্ঠা ধ্যানভঙ্গ করিতে আমার ?
 কার মায়ী ? ইজ্র সদা ভীত তঁপো ভয়ে
 কি ভয় আমারে ?” আমি আকাঙ্ক্ষাবিহীন,
 নাহি চাহি স্বর্গ-সুখ তপস্কার ফলে ;
 আপনার প্রভু হ'তে চাহি নিরন্তর,

উৎসর্গিতে প্রাণ মন চাহি ব্রহ্মপদে ;
 আমারে ছলিছ কেন ত্রিদশের পতি ?”
 মৃৎস্বরে বলি হেন, আরস্তিলা পুনঃ
 ধ্যান-যোগ ; কর্ণে পুনঃ করিল প্রবেশ
 শিশুর রোদন ধ্বনি অক্ষুট কোমল ।
 আবার মেলিলা অঁথি ঋষি পুণ্যবান্.
 কহিলা, “আকাঙ্ক্ষাহীন হৃদয় আমার,
 নাহি চাহি তপঃফল; কিসের লাগিয়া
 উপেক্ষা করিব হেন শিশু অসহায় ?
 ব্রহ্ম-দরশন মাত্র আকাঙ্ক্ষিত মম ;
 হৃদয় চঞ্চল এবে বাৎসল্যের ভরে,
 চঞ্চল হৃদয়ে ছায়া পাড়বে কি তাঁর ?
 অথবা এ চঞ্চলতা প্রেম-জলধির
 একটি বুদ্ধ-লীলা হৃদয়ে আমার ।
 ঈষৎ সমীরে যদি দোলে পদ্মদল,
 অমনি অতল হৃদে হারাবে জীবন
 ক্ষুদ্র শিশু, বিধাতার হস্ত-নিরমিত ।”

সস্তুরিয়া মধ্যজলে আইলা তাপস,
 ধীরে ধীরে এক হস্তে তুলি শিশু-তনু,

এক হস্তে সঞ্চালিয়া গুল্ল বারি-চয়,
উত্তরিলে সরস্টীরে ।

প্রবেশিলা যবে
তপোবনে তপোধন, নিরখি কোতুকে
প্রতিবেশী মুনিগণ হাসি জিজ্ঞাসিলা—
“কা’র পরিত্যক্ত শিশু আনিলা যতনে,
শ্বেতকেতো ? চিরদিন ব্রহ্মচারী তুমি.
তুমি সুপুরুষবর, মার ঋষিরূপী,
অথবা কুমার. দেব-কুমারী-বাস্তিত ।
তপঃ-প্রিয়, গৃহস্থে নহ অতিলাষী,
না লইলে দারা তেঁই ; নহিলে এখন
কুলের রক্ষক পুত্র, নয়নাভিরাম,
বাড়াত আশ্রম-শোভা । এতদিনে বুঝি
সুকুমারী স্নেহলতা লভিল জনম,
দুশ্চর-তপস্যা-শুক হৃদয়ে তোমার ;
আনিলে পরের শিশু করিতে আপন ।
কহ, এ কাহার শিশু, পাইলে কোথায় ?”
কহিলা তাপসবর—

“রমার আলয়,
নিত্য-প্রস্তুটিত-পদ্য ক্ষীরোদ সরসে
পুণ্ডরীক শয্যা’পরি আছিল শয়ান

অলৌকিক শিশু এই ; রোদনে ইহার
 চঞ্চল হইল হিয়া বাৎসল্যের ভরে ।
 সস্তুরি' ইহারে বক্ষ ধরিমু যখন,
 শুনিমু মধুর বাণী—প্রেমে পুলকিতা
 লজ্জাবতী বধু যথা প্রথম তনয়ে
 আরোপি প্রাণেশ-অঙ্কে করে ধীরে ধীরে,
 'মহাত্মন, লহ এই তনয় তোমার ।'
 নিরখিমু চারিদিক ; স্ফুট নীররাশি
 হাসিছে অরুণালোকে, স্থির পদ্মবন
 আমার উরস-ভারে পীড়িত ঈষৎ
 দেখিলাম : না দেখিমু নারী বা পুরুষ
 জলমাঝে ; তীরে মগ্ন ধ্যান-আরাধনে
 ঋষিবৃন্দ নেত্র মুদি' । উত্তরিয়া তীরে
 দেখিলাম পরিচিত বৃদ্ধ এক 'দ্বজে,—
 জানি তাঁরে সত্যবাদী, জ্ঞানী, পুণ্যবান,
 বিশ্বয়-স্ফারিত নেত্রে নেহারিছে মোরে ।
 জিজ্ঞাসিমু, 'দ্বিজবর, বাণী সুমধুর
 আঁময়-প্রবাহ-সম শুনেছ বহিতে
 নীরব কীরোদ-তটে, অথবা গগনে ?'
 'শুনি নাই বাণী, কিন্তু অলৌকিকতর
 দেখিয়াছি দৃশ্য এক । দেখ নাই তুমি,

হ্যতিময় কর শিশু ধরি পদ্মোপরি ?’—
 কহিলা ব্রাহ্মণ । যবে ফিরি তপোবনে,
 শুনিলাম অস্তঃকর্ণ প্রতিধ্বনিময়,
 ‘মহাত্মন, লহ এই তনয়ে তোমার’—
 ঋষিগণ, নহে একি দেবতার লীলা ?”

সবিস্ময়ে ঋষিগণ আসি শিশু-পাশে
 নেহারিলা মুখ তার, আশিসিলা সবে,
 কহিলা, “সামান্য নহে এ শিশু-রতন ;
 গঠেছেন পদ্মাসনা মাধব-বাসনা
 বিজনে নলিনীবনে মানসকুমার ;
 ভাগ্যবলে, পুণ্যফলে পাইয়াছ তুমি ।”

বাড়িতে লাগিল শিশু পুণ্ডরীক নামে,
 শ্বেত শতদলে জন্ম তেঁই অভিধান ।
 “স্নেহের শীতল উৎস, আনন্দ-কিরণ
 বহিয়াছে যুগপৎ আশ্রম-কাননে ;”—
 কহিতেন ঋষিগণ,—“ধন্য শ্বেতকেতু,
 জীবন্ত সৌন্দর্য্য-তরু শূন্য তপোবনে
 স্থাপিলা যতনে যেই, সরঃ মক্ষমাঝে ।”
 “হেন শোভা, শুনিয়াছি, কহিতেন তাত,
 “শোভা পায় রমণীরে ; কান্তি পুরুষের
 হইবেক ভীমকান্ত, বজ্রতড়িময় ;

জ্যোৎস্না আর ফুল দলে গঠিত এ শিশু,
 অতি রমণীয়. যেন অতি সুকুমার।
 নেহারি এ মুখ যবে ভয় পাই মনে,
 — সৌন্দর্য্য আশ্রয় ছায়, শরীর দর্পণে—
 অসহিষ্ণু মূরছিবে স্বলপ বাথায়।”
 “পূর্ণ সৌন্দর্য্যের শিশু, ইন্দ্রিরা-তনয়,
 রমণী-মানসজাত, তাই হেন রূপ ;
 কি আশঙ্কা খেতকেতো, মূর্ত্ত তপঃ তুমি
 শিক্ষক পালক যবে, শোভায় প্রভাব,
 মধুরে ভীষণ, পুষ্প বজ্রের মিলন
 দেখাইবে,— একধারে লক্ষ্মী-খেতকেতু।”
 তবুও বিষাদ-ছায়ে আবৃত বদন,
 চিন্তায় আঁবল আঁখি থাকিত তাঁহার ;
 হৃভাগ্যের ভাগ্যবস্তু দূর ভবিষ্যতে
 পাইতেন দেখিবারে দূরদর্শী তাত।

কেমনে কাটিত দিন কহিব কেমনে ?

মধুর স্বপন সম স্মৃতি শৈশবের,
 নয়নেতে আসে জল স্মরি সে সকল ;
 পিতার সে স্নেহময় প্রশান্ত বদন,
 মধুর গভীর স্বর,—মহাখেতে, প্রাণ,
 ভুঞ্জিয়াছি জন্মান্তর, নিত্য হৃৎখময় ;

শিশুত্ব লভিতে যদি পারি তপোবলে
সেই অঙ্কে, সে পবিত্র চাকু তপোবনে,
তা'হলে তপস্যা সাধি পুনর্জন্ম লাগি ।

অধীত-সমগ্র-বিদ্যা পিতা পুণ্যবান্
খুলি দিলা আপনার জ্ঞানের ভাণ্ডার,
পিতৃ ধনে অধিকারী হইলাম কালে ।
বাখানিত সবে যবে প্রতিভা আমার,
পিতার স্নেহলকান্তি হইত উজ্জল ।
সহাধ্যায়িগণ মোরে কহিত আদরে
পুণ্ডরীক লক্ষ্মী-সুত, বীণাপাণি-পতি ।
গেল হেন জীবনের প্রথম অধ্যায় ।

২

সমাপ্ত করিলু যবে বিদ্যা চতুর্দশ,
কহিলেন প্রিয়ভাষে পিতা স্নেহময়,
“সযতনে সর্ববিদ্যা শিখাইলুতোরো,
অতুল প্রতিভামলে অতি অল্পকালে
সকলি শিখিলি ; শ্রম সার্থক আমার
কিন্তু বৎস, চির দিন জানিস হৃদয়ে,

অধাপন, অধায়ন নহেরে তুষ্কর ;
 তুষ্কর চরিত্রে শাধ কন। প্রতিভাত ।
 নীতিধম্ম অধায়ন করিলে যেমন,
 প্রতিকম্মে, প্রতিবাক্যে, প্রতিপাদক্ষেপে
 তোমাতে সে সব যেন করে অধায়ন
 সৰ্বলোক । অদ্যাবধি বিস্তীর্ণ ম-সারে
 ধরি কর্তব্যের পথ চলিবে আপান ।”

অবসিত পঠদশা হইল যেমন,
 কোথা হতে অতি ক্ষুদ্র বিষাদের রেখা
 পড়িল হৃদয়ে মম ; যাপি বহুকাল
 এক ঠাই, তাজি তাহে গেলে দেশান্তরে,
 আকুল হৃদয় যথা থাকে কিছু দিন,
 তেমতি হইল প্রাণ আকুল, উদাস ।
 হোম যাগ ব্রত তপঃ করিতাম কভু,
 কভু গুহ, চিন্তাশূণ্য, লক্ষ্যশূণ্য মনে
 ভ্রমিতাম বনে বনে । সমগ্র সংসার
 ভাসিতজনয়নে যেন দৃশ্য স্বপনের ।
 বোধ হ'ত, আমি যেন বিশাল প্রান্তরে
 একতরু, এক পাহাড় অন্তহীন পথে ।
 পিতৃতুল্য ঋষিদের সাদর ব্যাভার,

পিতার অটল স্নেহ নারিতে রোধিতে
 অনির্দিষ্ট অভাবের—বাসনার গাঁত ;
 সংসারের দূরস্থিত ক্ষুদ্র তপোবন
 মনে হ'ত অতি ক্ষুদ্র ; হৃদয় আমার
 প্রাবৃষ-সর্লিল পানে শ্রোত্বতী সম
 অপ্রসন্ন, শ্রোতাময়, অতিবিস্তারিত,
 আশ্রমের ক্ষুদ্র সীমা করি উল্লঙ্ঘন,
 ছুটিতে চাতিত কোন অজ্ঞা-সন্ধানে !
 তখন করিনি লক্ষ্য, এবে মনে পড়ে
 জনকের শান্ত দৃষ্টি আমার পশ্চাতে
 বিচরিত সাথী সম।

আনিলেন তাত

সুন্দর তেজস্বী এক তাপস কুমার,
 শিরে সুকুমার জটা, পিধান বকুল,
 পাদক্ষেপে নির্ভীকতা, প্রতিভা ললাটে,
 বিশাল লোচনে শান্তি প্রীতি বিজড়িতা,
 অধরে স্নহতা বাণী, স্নাত মৃত হাসে।
 “সুহৃদ কুমার মম, নাম কপিঞ্চল,
 তপোনিষ্ঠ, বশী, শান্ত, প্রকুল হৃদয় ;
 লভি এর সখ্য, পুত্র, হও ধন্য তুমি”—
 কহিলেন পিতা মোরে। তদবধি যেন

অঁধারে উদিল শশী । কপিঞ্জল স্নেহে
লভিলু জীবন নব উদাম নূতন ।

এক দিন, প্রিয়তমে, হৃদয় আমার
কি এক অজ্ঞাতহেতু হরষের ধারে
ছিল সিক্ত । সেই দিন বিমল উষ্মায়
গিয়াছিঁলু সুরপুরে ; নন্দন দেবতা
প্রণমিয়া সন্মুখেতে ধরিলা আমার
মনোহর পারিজাত কুম্ব মঞ্জরী ;
লজ্জানত না লইলু ; প্রিয় কপিঞ্জল
কহিলা, কি দোষ, সখে, লহ পারিজাত
তবু না লইলু যদি, সখা নিজ হাতে
লয়ে ফুল কর্ণপুর করিলা আমার ।

নন্দনের ফুল, প্রিয়ে, পূর্ণ ইন্দ্রজালে,
স্পর্শে তার কত হয় মোহের সঞ্চার ;
চারিদিকে দেখিলাম, দেখিনাই আগে,
সৌন্দর্য্য পড়িছে ফুটি যৌবনের সাথে ;
চন্দ্র, তারা, পৃথ্বী, রবি, সাগর, ভূধর,
অভ্রময় মহাশৃঙ্খ অতীব শোভন,
অতীব তরুণ যেন ।

অচ্ছাদের তীরে

দেখিলাম পবিত্রতা, সৌন্দর্য্য, যৌবন
 একধারে, কল্পনার অতীত প্রতিমা ।
 কুম্ভমে সাগ্রহ নেত্র হেরি নু তোমার,
 উপহার দিনু তাহে, দৃষ্টি বিনিময়ে
 বিনিমিত হিয়া তথা হইল দৌহার,
 —অক্ষমালা সাথে সিত মুকুতার মালা,—
 হইলাম পরিণীত, লইলে বিদায় ।

তুমি যবে গেলে, লয়ে গেলে সাথে তব
 জগতের আলোরাশি ; রহিল আমার
 অবিচ্ছিন্ন অন্ধকার, বিষাদ অভাব—
 বিষাদ অভাব আর ব্যাকুল বাসনা ।
 ভাললাম হোম যাগ, ধ্যান অধ্যয়ন,
 পিতৃ সেবা, ভাললাম অতিথি-সংকার,
 নিত্য অনুষ্ঠেয় কৰ্ম্ম । সখা কপিঞ্জল
 বিস্মিত, ব্যাথতাচিত্ত ফিরিতেন সাথে,
 কভু বা ধিকারে, কভু মৃত্ তিরস্কারে,
 কভু প্তির উপদেশে চেষ্টিত নিয়ত
 ফিরাইতে সে আমার হৃদয়ের স্রোতঃ ।
 কি যে পুণ্য, কি যে পাপ, বিমল পঙ্কিল

প্রণয়, আসক্তি কিবা, কিবা জ্ঞান মোহ
 কহিতেন অনুক্ষণ, শুনিতাম কাণে—
 কাণে মম ; আধা তার পশিত না মনে
 বিদেশীর ভাষা যেন ; বুঝিতাম শুধু,
 আমার নূতন ব্যথা কেহ বুঝিছে না,
 আমার ভবিষ্য স্মৃতি চিনিছে না কেহ ।
 নয়ন, শ্রবণ, মম প্রাণ, মন, হিয়া
 আছিল তোমারি ধানে.তোমাতে জীবিত
 নয়নের এক জ্যোতিঃ তব রূপরাশি
 রেখেছিল আবরিয়া জগতের মুখ
 অন্ধকারে । স্মৃতি ছিল তোমারি স্বপনে ;
 বর্ণীদের শুক্ললাপে ভাসিত যখন
 সে স্বপন, জাগিতাম অভাবের মাঝে
 নিরানন্দ । গেল ধৈর্য্য আত্মার সংযম,
 গেল শান্তি, গেল পূর্ব সংসার বিরাগ
 সুদৃশ্য ব্রহ্মচর্যা কুলক্রমাগত ।
 কোথা স্মৃতি এ বৈরাগ্যে, আপন শাসনে ?
 বিপুল এ ধরণীর ত্যজি স্মৃতিস্বাদ
 ক্রুদ্রাশ্রমে ক্ষীণপ্রাণে বেদ উচ্চারণে
 নীরস বরষ কাটে বরষের পরে ।
 হয় হোক নিন্দনীয় গৃহীদের খেলা,

আমি দেখি এ খেলায় থাকে যদি সুখ ।
 এ যদি না হয়, সখে, স্বরগের পথ,
 চাহি না স্বরগবাস ; এ যদি বন্ধন,
 নাহি চাহি মোক্ষ আমি ; এ যদি গরল,
 চাহি না অমৃতরাশি, না চাহি জীবন ।” —
 কহিলাম কর্ণপঙ্কলে ।

“এ মধুরবিষ

হইবে বিরসতর, তিক্ত, পলে পলে
 পরিণামে ; সুখাশায় ছুঃখ-পারাবারে
 ঝাঁপিতে চাহিছ, সখে ; পার্থিব বাসনা
 কোথা নিয়া যাবে শেষে, ফের সখে এবে,
 ফের সখে ; ঢালি অঙ্গ প্রবৃত্তির স্রোতে
 স্ব-ইচ্ছায়, ভেসে আর নারিবে কিরিতে ;
 ভেসে যাবে দিন দিন মরণাভিমুখ,
 ডুবিলে আবর্তে কিবা.—মরিবে নিশ্চিত ;
 স্ব-ইচ্ছায় আর কভু নারিবে কিরিতে ।”

“কেমনে মরিব, সখে ? হুঁটি জীবন,
 দুটি আত্মা একীভূত, দ্বিগুণ বান্ধিত
 হবে না, কি সম্ভাবিত দ্বিগুণ জীবনে ?
 অমৃতের অধিকার বাড়িবে না আব ?”

“গৃহধর্ম, ব্রহ্মচর্যা কি যে পুণ্যতর
 আমতো বৃষ্টি না, সখে, না বৃষ্টি প্রণয়,
 সোপান সে জীবনের কিবা মরণের
 নাহি জানি, ভিন্ন জনে কহে ভিন্ন কথা ।
 দ্বিগুণ জীবনে জীবী, বলে বলীয়ান্
 পবিত্র, সুন্দরতর নহেন, সুহৃৎ,
 ব্রহ্মচারী শুকদেব, তাত শ্বেতকেতু ?”

“ছাড় কথা, দেখ মুখ, দেখগো হৃদয়—
 উত্তরশ্র ব্যাকুলতা, দেহ শান্তি তাহে ।”
 “গৃহী হ’তে চাহ, সখে ? তাই হও তবে ;
 এ অশান্তি, ঝটিকার সাগরের মত
 চঞ্চলতা হোক দূর ; প্রশান্ত হৃদয়ে
 দেখ মন গৃহধর্মে । কহিব পিতায় ?”
 “কহিব পিতায় ?”—লাজে হইলু কাতর
 “বাগকুল পরাগ মোর দেহের পিঞ্জর
 ভেঙ্গ চূরে যেতে চাহে,—কি করিব সখে,
 কহ তাঁরে ; পিতৃদেব করুণার খনি ।”

০
 কোন্ দিকে গেল দিন, কত দিন গেল,
 নাহি জানি, তার পর ; তোমার স্বপন
 ভাঙ্গাইয়া কর্ণপঞ্জল কহিলা আমার

এক সন্ধ্যাকালে,—“তাত জানেন আপনি
 মানস বিকার তব ; আদেশ তাঁহার—
 ‘সপ্ত মাস, সপ্ত দিবা, সপ্ত দণ্ড আর
 লজ্জাবে না পুণ্যময়-তপোবন-সীমা,
 —পিতার নিদেশ, বৎস, করি ওনা হেলা—
 লজ্জনে সমূহ দুঃখ, নিশ্চিত মরণ ।
 স্নেহ-আশীর্বাদ শত রেখে যাই পাছে ;
 প্রয়োজন-অনুরোধে চলিলাম আমি
 দূর দেশে ; মাস-শেষে ফিরিব আবার ।
 এতাবৎ কর সদা ধ্যান অধ্যয়ন,
 সযতনে কর. বৎস, আত্মানুসন্ধান ;
 হৃদয় তটিনীকূলে কর আহরণ
 বিন্দু বিন্দু স্বর্গরেণু বালু রাশি হ’তে,
 স্বর্গহার চাহ যদি দিতে উপহার
 পুণ্যবতী ভাগ্যবতী কোন রমণীরে ।’
 “যে আজ্ঞা পিতার”—আমি কহিলাম মুখে,
 “সপ্ত দণ্ড—দিন—মাস কেমনে ধরিব
 শূন্যে দেহ এ কাননে ?”—ভাবিলাম মনে

কত কষ্টে গেল দিন, দিন তিন চারি ;
 গুনিয়াছি প্রতি দণ্ড প্রতি পল তার ।

শৃঙ্খলিত দেহ পিতৃ-নিদেশ-নিগড়
 ভাঙ্গি চূরি বাহিরেতে চাহিত যখন
 বেগভরে, কপিঞ্জল কোন্ মন্ত্রবলে,
 শাস্ত নেত্রে, ধীর ভাষে, দৃঢ়মুষ্টিমাবে
 রাখিত আমারে ধেন পালিত কেশরী ।

যেই দিন পূর্ণচন্দ্র উঠিল গগনে,
 পরিপূর্ণ সৌন্দর্যের ষোড়শ কলার,
 উচ্ছ্বসি উঠিল ধরা, হৃদয় আমার ।
 উঠিলাম উর্দ্ধদেশে চকোরের মত
 চন্দ্রে চাহি'—কপিঞ্জল সন্ধ্যা জপে রত ।
 পাদচারে লজ্জিব না আশ্রনের সীমা,
 আশ্রনের উর্দ্ধে উঠি দেখি একবার
 স্নন্দর অচ্ছাদ-তীর প্রিয়পাদদাঁড়িত ,
 পারি যদি হেরি দূরে পুণা তেমকুট,
 কুলের কৌমুদীরূপা যথা মহাশ্বেতা ।
 শশী আর ধরণীর মধ্যপথ হ'তে
 হেরেছ কি শশী আর ধরণীর শোভা ?
 পূর্ণিমার সে সৌন্দর্য্য নহে বর্ণনার ।
 উর্দ্ধ হ'তে দেখিলাম উঠিছে উগলি
 নীররাশি নীরাদর, সমগ্র হৃদয়

পুণ্ডরীক ।

তরল প্রণয়রূপে উঠিছে উথলি ।
শত কর প্রসারিয়া সাদরে চন্দ্রমা
যেন আছানিছে তারে ; আকুল জলধি
চাহে যেন আপনারে উর্দ্ধে লুফিবারে ।
সলিলে মিশিছে আলো, তরঙ্গ উজ্জল—
উচ্ছ্বসিত প্রেমে শুভ্র জ্যোতিঃ স্বরগের :
পৃথিবীতে বদ্ধমূল, বেষ্টিত বেলায়,
পারে না সে আপনারে করিতে মোচন :
রহে দূরে প্রণয়িরা, একের আলোকে
আলোকিত অশ্রু হিয়া ; স্মৃথী নিরথিরা
একে আপনার ছায়া অপর হিয়ায় ।
পূর্ণশশী মহাশ্বেতা, সাগর সমান
এ হৃদয় উদ্বেলিত স্মরণে তাহার.
বেলা, বাঁধ, নিম্ন, উর্দ্ধ আছিল না কিছু ।
ছুটিলাম শূন্য-পথে সঙ্কানে কাহার
অচ্ছাদের তীর পানে,—ক্ষিপ্ত ধূমকেতু
ছুটে কি এমনি বেগে আপনারে দিতে
জলন্ত ভাস্কর-কুণ্ড ? নামিনু সৈথায়,
শিশির সমীরে যথা আর্দ্র কেশ তব
মৃদলে হুলিতেছিল,—বসন্ত আপনি
নিরন্তর-কিশলয়, লতা-বিজড়িত

তরুর ছায়ায় গাতি পুষ্প-আস্তরণ
 কামিনী শেফালী আর বকুলের দলে,
 মাত শুভ তনু'পরি আছিল ঢালিতে
 পুষ্পাসার,—সেই শুভ পরিচয় দিনে ।
 দাঁড়াইলু অচ্ছাদের তট-উপবনে ;
 দেখিলাম সৌন্দর্যের শূন্য দেহ তার,
 জীবন্ত সৌন্দর্য্য সেই নাহি মহাশ্বেতা ।
 কেন এনু এতদূরে ? কোথা মহাশ্বেতা ?
 হেমকূটে । কেন এনু, কোথা যাব ফের ?
 কেন এনু অবহেলি পিতার নিদেশ,
 কি লাগিয়া ? ধিক্ মোহ, বিস্মৃতি আমার ।
 বিস্মিত, লজ্জিত, ভীত, ব্যাথিত-পরাম
 বসিলাম তরুতলে ; দেহের বন্ধন
 শিথিল হইল ক্রমে । স্বপনের মত
 জানিলাম স্মৃতির সম্মুখে বচন,
 শীতল শরীরে তার উষ্ণ করতল,
 অবিরল অশ্রুপাত লগাটে আমার ।
 “সখে, সখে পুণ্ডরীক, প্রাণাধিক মম,
 হেথা কেন ? দেহে, প্রিয়, পেয়েছ আঘাত ?”
 “দেহে নহে ; মোহবশে কিবা স্বপ্নমাবে
 এসেছিলাম অবহেলি পিতার আদেশ ;

আসিয়াছি, যায় প্রাণ ; মরিবার আগে
একবার প্রিয়তম, দেখাবে কি তাবে ?”—

কি যেন নিদ্রারমত ছাইল আগায়,
এই কি মরণ ?—আমি জিজ্ঞাসিনু মনে .
তার পর ধীরে ধীরে গেলাম কোথায়
নাহি জানি । একবার ঘোর অন্ধকার
করিলাম অনুভব ; মুহূর্তের মাঝে
চারিদিকে দিবা জ্যোতিঃ দেখিনু প্রকাশ ।
কোন দেবতার হস্ত তুলিল আমার
অর্দ্ধমাত্র,—সেই মম দেবর্ষি-শরীর
শ্বেত-শতদল-বর্ণ, পুণ্ডরীক নাম,
কণ্ঠে শুভ্রতর তব একাবলী হার,
তোমার প্রণয়মালা । তোমারি লাগিয়া
কুলের দেবতা তব অমৃত সিঞ্চনে
রাখিলেন সঞ্জীবিত দেব-অর্দ্ধ মম
নিদ্রাগত, মানবের নেত্র-অগেচ্চরে,
প্রচ্ছন্ন পাবক যথা সন্নিহিত মাঝার ।
সেই এক দীর্ঘ নিদ্রা, জন্ম জন্মান্তর
সে মহানিদ্রার যেন হৃৎথের স্বপন ।

গভাতে সমগ্র স্বপ্ন নাহি থাকে মনে,
যতটুকু আছে মনে কহিব তোমায়।

৩

মানে পড়ে জীবনের অবস্থা নূতন ;—
আনন্দ অশান্তি কিছু অতিরিক্ত নয়,
স্বপ্নে দুঃখে কাটে দিন আমোদে, বিষাদে
রাজ পরিমত্-নারো যুবরাজ-সখা
রাজপুত্রগণসহ বাপিতেছি দিন ;
নহি দেবির পুত্র ঋষিসহবাসে,
তপোধনে শাস্ত্রপাঠে রুপতপে রত,
নিমন্ত্রিত সম্ভ্রম বানব-সভায়,
উদায় সন্ধ্যায় পুণ্য নন্দনকাননে।

অতঃপর পড়ে মনে, স্বপ্ন স্পষ্টতর—
সপ্ত আবরণে ঢাকা এ নয়ন হ'তে
এক আবরণ যেন হইল মোচন।
মুন্দর অতীত-ছায়া দেবির-জীবন
ক্ষণেক জাগিল মনে চপলার মত ;
স্মরিতে চাহিনু যত চাহিনু পরিতে
গেল যেন মিলাইয়া বিস্মৃতি-আঁধারে।

এসেছি যেন কোন মায়ায় দেশে,
 এই সরোবর-তীর দেখি, এতক
 লতিকা-সনাথ তরু আবরিত ফুলে ।
 দেখি জাগিয়া যেন স্বপন সুন্দর,
 অথবা সে জাগরণ দুঃস্বপন মাঝে ।
 প্রতি তরু, প্রতি তার ফুল কিশলয়,
 প্রতি শিলা, সরসীর প্রত্যেক সোপান,
 স্বচ্ছ নীরে তীর-ছায়া, ঈশং চঞ্চল,
 পরিচিত বালি' বোধ হইল আমার ;
 প্রতি তিলোলের ভঙ্গি বাল-রবি-তলে,
 বাসন্তি নৌরভে পূর্ণ মৃদু সমীরণ,
 কলহংস-কলবব পুণ্ডরীক-বনে,
 চক্রবাক-মিথুনের সানন্দ বিহার,
 দ্রাগত চাতকের ব্যাকুল সুস্বর
 কোন দূর অতীতের অভিজ্ঞান-সম
 চঞ্চল করিল হিয়া ;—বিস্মৃত সঙ্গীত,
 রাগিণী গুনি যেন সুদূর প্রবাসে ;
 কত ভাবি, কথা তার পড়িছে না মনে ।
 ভাবিয়া ভাবি, চাহি চাহিলাম কত
 বারবার ; মুদি আঁধি, ভাবি মনে, পুনঃ
 গুলি আঁধি ;—স্মৃতি আর নয়নের মাঝে

বাঁধিয়া চিস্তার সেতু করে যাতায়াত
 আকুল হৃদয় মম । ত্যজি সঙ্গিজন,
 ত্যজি ক্রীড়া, নিদ্রাহার, লাগিনু ভ্রমিতে
 তাঁরবনে ; আকুলতা প্রতিফলে মোব
 বাড়িতে লাগিল ; হত-সরবস্ব সম
 খুঁজিতে লাগিনু প্রতি তরুলতামূল :
 কি মোর হারায় গেছে, তাহারি পশ্চাৎ
 হারাইনু আপনারে । বিস্মিত, চিন্তিত,
 পরিজন সান্ননয়ে ডাকিছে শিবিরে,
 নায়াময় দেশ ছাড়ি পদমাত্র আমি
 নারিলাম যাইবারে—অতি পরবান্ ।
 কেহ ক্ষিপ্ত, ভূতগ্রস্ত কেহবা কহিল,
 কেহবা কহিল ছিঁড়ি সংসার-বন্ধন
 সহসা বিবেক মম হয়েছে উদয় ।
 জানিতাম সকলেরি মিথ্যা অনুমান,
 নাহি জানিতাম কিন্তু কিহেতু হৃদয়
 সহসা হইল হেন অবশ আকুল ;
 ভ্রমিতে লাগিনু বনে আবিষ্টের মত ।

একদিন অশেষিতে লক্ষ্য অনির্গের,
 ভ্রমিতে ভ্রমিতে সেই চারু উপবনে

পাইলাম দরশন, হইল নির্গম
 অভীষ্টের । অনাথিনী তাপসীর বেশে
 নেহারিছু দেবী এক,—সেতো তুমি, প্রিষে ।
 কহিল হৃদয় মোরে—“এত কাল পরে
 পাইয়াছ, ক্ষিপ্তবৎ খুঁজিয়াছ যারে ।”

কিন্তু, হায় ! ঋষি হেই দুর্কল পতিত
 ইতর মানব সাথে হয়েছে সমান,
 অযোগ্য সে নিরপিতে সপ্রেম নয়নে
 সেই মূর্তি । জন্ম জন্ম বিরহ-অনলে
 দগ্ধ প্রেম হবে স্বর্ণ বিশুদ্ধ, উজ্জল ;
 অশ্রুর প্রবাহে স্নাত ম্লান-অর্ধ মম
 শুভ্র অরবিন্দ সম উঠিবে ফুটিয়া,
 তেঁই না চিনিলে তুমি ; নিকটস্থ জনে
 তোমার পবিত্র তেজে দহিলে,—নাশিলে ।

সেই রাত্রি—কাল রাত্রি, সেই পূর্ণচাঁদ
 ঘোর ঘৃণাভরে নিম্নে নেহারিছে মোরে,—
 সাক্ষীসম দাঁড়াইয়া নিবিড় অটবী
 নীরব, নিরুদ্ধশ্বাস,—স্থির দশদিক,—
 কুমারীর দেহ-লতা ক্রোধ-কম্পময়,
 নয়নে ফুলিঙ্গরাশি, স্বর ভয়ঙ্কর

উচ্চারিছে অভিশাপ—“পাপিষ্ঠ, দুৰ্জ্জন,
 অসংযত-চিত্ত-বাক্, সাত্ত্বাবজ্জপাত
 হইল না শিরে তোঁর,—না হ’ল অচল
 পাপ জিহ্বা ? প্রেমালোপে শিক্ষা শুক-সম
 না জানিস্ মানবের হৃদয়-গৌরব,
 তিথ্যক্ না হয়ে কেন জন্ম নরকুলে ?—

“ভগবন্, পরমেশ, দুৰ্জ্জন-শাসন,
 তদবধি হেরিয়াছি দেব পুণ্ডরীকে,
 তদবধি চিন্তা কিবা স্বপনেও কভু
 না যদি দিয়াছি স্থান অপর পুরুষে
 চিত্তে গম, তবে সত্য সতীর বচনে
 নরকুলপাংশু এই হটক পতিত ।”—

আর না বুঝিলু কিছু ; দারুণ আঘাতে
 পড়িলু ভূতলে—প্রিয়ে, জানইতো তুমি ।

অতীব অস্পষ্ট গম স্বপনাবশেষ ।
 নহি শুদ্ধশাস্ত্ৰচিত্ত ঋষিগণ মাঝে,
 সংসারে সমৃদ্ধ নহি রাজগণ সহ
 সংসারী ব্রাহ্মণ-বার্ণ । গেলাম কোথায়
 ঘোর বনে, চরে যথা স্থাপদ শবর,
 শ্রেষ্ঠ মানবের নামে অধিকার-হীন ।

